




# ახალი ბუნათლეს

28 იანვარი - 3 თებერვალი

ფასი 1 ლარი 70 თეთრი

№2 (716) გამოდის 1998 წლიდან

www.axaliganatleba.ge



## რომ არა ეს ერთი წელიწადი, დღეს სულ სხვა აღამიანი ვიქნებოდით

რუბრიკის „ქართული სტუდენტები უცხოეთში“  
სტუმარია გურამ ჯავახიძე,  
თესალონიკის არისტოტელეს უნივერსიტეტის სტუდენტი

გვერდი 6

პროფესიული განვითარება  
**მენტორი – გაზრდილი  
კანუხისმგებლობები  
და გამოცხადებული  
უვადო ნდობა**

გვერდი 2

აქტუალური თემა  
**ბულინგის პრევენციის  
საკილოტი პროგრამა**

გვერდი 3

ერთიანი ეროვნული გამოცდაები - 2016  
**ქართული ენა და  
ლიტერატურა**

გვერდი 4

გავშთა უფლებები  
**ახალი რეგულაციები  
მიუსაფარი ბავშვების  
დასაცავად**

გვერდი 5

საბარის ფასი - 17.70ლ



### ქართული ენის კრებულები

აჩვენებენ სასწავლო მეთოდით  
მეთვალყურეობის მრავალ-  
ტიპის თარგმანს და  
საინტერესოებს.

### ნაშრომი და მთარგმნელი ნაშრომი

საჩვენებელი „ნაშრომი და მთარგმნელი ნაშრომი“  
წიგნები I-VI კლასების მოს-  
წავლელთათვის, „კითხვის საათი“  
საკითხავი მეთვალყურეობით.  
წიგნები მოცულობით: სასწავლო  
ნაშრომი, მთარგმნელი ნაშრომი,  
საკითხავი ნაშრომი და მთარგმნელი  
ნაშრომი, სასწავლო ნაშრომი და  
მთარგმნელი ნაშრომი.

საბარის ფასი - 30.40ლ



### სიხარული



### მთარგმნელი საბარის გამოცდებისთვის

კრებულები უნდა იყოს მეთვალყურეობით მეთვალყურეობით მეთვალყურეობით  
და ტარებული. მეთვალყურეობით მეთვალყურეობით მეთვალყურეობით. ეს  
კრებულები უნდა იყოს მეთვალყურეობით მეთვალყურეობით მეთვალყურეობით.  
მეთვალყურეობით მეთვალყურეობით მეთვალყურეობით.

fb.com/bakursulakauripublishing

ერთი კრებულის მეთვალყურეობით მეთვალყურეობით მეთვალყურეობით.  
მეთვალყურეობით მეთვალყურეობით მეთვალყურეობით.

მეთვალყურეობით მეთვალყურეობით მეთვალყურეობით.  
მეთვალყურეობით მეთვალყურეობით მეთვალყურეობით.



მთარგმნელი კრებულის ფასი - 9.90ლ



პროფესიული განვითარება

# მენტორი – გაზრდილი კასუსისმგებლობები და გამოცხადებული უვადო ნდობა

ლალი ჯვალაძე

მასწავლებლის საქმიანობის დაწყების, პროფესიული განვითარების და კარიერული წინსვლის სქემის ფარგლებში, საფეხურებზე გადანაწილებული მოქმედი მასწავლებლებიდან არც ერთ პედაგოგს არ მიენიჭა მენტორის სტატუსი, რაც იმას ნიშნავს, რომ ჯერჯერობით, მენტორი მასწავლებელი სისტემაში არ გვყავს. მენტორის სტატუსის მოპოვება კი მისი სტატუსისთვის განსაზღვრული აქტივობების წარმატებით განხორციელებითა და შესაბამისი კრედიტულების მოპოვებით ყველა მოქმედ მასწავლებელს შეუძლია. რაც შეეხება აქტივობებს, ფაქტობრივად, დამატებითი ახალი აქტივობები ამ საფეხურზე არ შემოიღეს, იმდენად, რამდენადაც სკოლის მასშტაბით განსახორციელებელი ყველა აქტივობა უკვე წამყვანი მასწავლებლისადმი წაყენებულ მოთხოვნებში გამოჩნდა; თუმცა აქტივობების ნაწილი, რომელიც წამყვანი მასწავლებლებისთვის დამატებით აქტივობებს წარმოადგენს, მენტორისთვის უკვე სავალდებულო ხდება. უფრო კონკრეტულად რა იგულისხმება ამაში – მაგალითად, თუკი წამყვანი მასწავლებლისთვის სტუდენტის პრაქტიკის ხელმძღვანელობა დამატებითი აქტივობაა, მენტორისთვის ეს ვალდებულება ხდება; თუკი წამყვანისათვის შეფასების ჯგუფის წევრობა და ფასილიტატორობა, ასევე, დამატებითი აქტივობაა, მენტორისთვის ეს სავალდებულო აქტივობად მიიჩნევა.

**რატომ არ განაწილდნენ მასწავლებლები მენტორებად?** მასწავლებლების კომპლექსური შეფასება (თეორიასა და პრაქტიკაში) სისტემაში არ ხორციელდება. მასწავლებლის კვალიფიკაციასთან ერთად მხოლოდ სერტიფიცირების შედეგები იყო სანდოდ მიჩნეული, რასაც მასწავლებლების საკვალიფიკაციო საფეხურებზე განაწილების შეიძლება დაეყრდნობოდა. სერტიფიცირებულ მასწავლებლებს, შესაბამისად, უფროსი მასწავლებლების სტატუსი მიენიჭათ, მიუხედავად მათი კვალიფიკაციისა, ხოლო მეცნიერებათა დოქტორებს, რომლებიც ამავდროულად სერტიფიცირებულნი არიან, წამყვანი მასწავლებლის სტატუსი მიენიჭათ. სხვა აქტივობები, რომლებიც მასწავლებლებმა სქემის ამოქმედებამდე განახორციელეს, ერთგვაროვანი კრიტერიუმებით არ ყოფილა შეფასებული. ამავდროულად, სქემის მიზანია სკოლებში გააქტიურდეს საგანმანათლებლო მრავალფეროვანი მუშაობა, ამდენად, მენტორის სტატუსის მასწავლებელმა უნდა მიაღწიოს სქემის განხორციელების მოთხოვნების დაკმაყოფილებით. უპირველესად მენტორი შეიძლება გახდეს წამყვანი მასწავლებელი, სამომავლოდ კი, ნებისმიერი მასწავლებელი, მიუხედავად სტატუსისა, თანმიმდევრული აქტივობებით შეძლებს მოიპოვოს სისტემაში უმაღლესი სტატუსი. თანმიმდევრობა კი შემდეგია:



**მენტორის ვადები და ვალდებულებები:** 5 წლის განმავლობაში 30 კრედიტულა ექნება დასაგროვებელი და ეს მხოლოდ და მხოლოდ სტატუსის შენარჩუნებას ემსახურება, რადგან უფრო მაღალი საკვალიფიკაციო საფეხური აღარ არსებობს. აქედან 15 კრედიტულა სავალდებულო აქტივობებით მიიღწევა, ხოლო 15 დამატებითი აქტივობების ნილია. თუ შეეხება დინამიკას, დამატებითი აქტივობების ნილი ყოველ შემდეგ საფეხურზე იზრდება, ანუ რაც უფრო მაღალ კატეგორიაში გადადის მასწავლებელი, მით მეტი კრედიტულა აქვს

დასაგროვებელი დამატებითი აქტივობების ხარჯზე. სხვა სტატუსებთან შედარებით, მენტორის ყველაზე დიდი განსხვავება ის არის, რომ მას სტატუსის შესანარჩუნებლად მხოლოდ ერთხელ უნევს 30 კრედიტის დაგროვება, ანუ თუ მასწავლებელი ერთხელ შეძლებს მენტორის სტატუსის შესანარჩუნებლად განსაზღვრული 30 კრედიტის დაგროვებას, ამის შემდეგ მას მენტორის სტატუსი მუდმივად გარანტირებული აქვს. მაგრამ თუკი 5 წლის განმავლობაში სტატუსისთვის შესანარჩუნებელი ქულების დაგროვებას ვერ შეძლებს, მაშინ ჩამოინაცვლებს წამყვანი მასწავლებლის საფეხურზე.

**მენტორის სტატუსისთვის განსახორციელებელი სავალდებულო აქტივობები:**  
**სამოდულო გაკვეთილი** კვლავ სავალდებულო აქტივობად რჩება. მენტორს, 5 წლის განმავლობაში, 5 სამოდულო გაკვეთილის ჩატარება სჭირდება. მას შეუძლია, საშუალოდ, 1 წელიწადში ერთი სამოდულო გაკვეთილი ჩაატაროს, თუმცა ეს სულაც არ ნიშნავს, რომ მას არ შეუძლია განსხვავებულად განაწილოს სამოდულო გაკვეთილების ჩატარების გრაფიკი – ეს დამოკიდებულია იმ სასწავლო გეგმაზე, რომელსაც ახორციელებს.

მენტორის სტატუსის მოპოვების უფლება სკოლის დონეზე წყდება, ისევე როგორც სტატუსის შენარჩუნება. ამასვე გვიდასტურებს მასწავლებელთა პროფესიული განვითარების ცენტრის ექსპერტ-კონსულტანტი **მანანა რატიანი** და ამბობს, რომ „ყველაფერი სკოლის დონეზე წყდება, გარდა საგნის გამოცდისა და საგაკვეთილო დაკვირვებისა. ეს ყველაფერი კი იმისთვის კეთდება, რომ, რეალურად, სკოლები გავაძლიეროთ, რათა ყველა სკოლაში იმის კომპეტენცია არსებობდეს, რომ ადგილზევე ხდებოდეს მნიშვნელოვანი გადაწყვეტილებების მიღება და, იმავდროულად, მასწავლებლების პროფესიული განვითარება სწორედ სკოლაში, სკოლის ბაზაზე მიმდინარეობდეს, რომ უფრო მაღალი სტატუსის მასწავლებელი მასზე დაბალი სტატუსის მასწავლებლის განვითარებაზე ზრუნავდეს და ა.შ. ეს ყველაზე სწორი მექანიზმია, რადგან არ შეიძლება ყოველთვის ველოდოთ, რომ ვიღაცამ გარედან შეგვაფასოს, გარედან შემოგვთავაზოს პროფესიული განვითარების აქტივობები; ანუ სქემის ერთ-ერთი მიზანი დეცენტრალიზაცია და სკოლის გაძლიერებაა. ეტაპობრივად, ჩვენ ყველაფერს გავაკეთებთ იმისათვის, რომ სკოლებში მასწავლებლების, ადმინისტრაციისა და შეფასების ჯგუფის კომპეტენციები გაეზარდოს, სკოლა გაეძლიეროს.“

**სამოდულო გაკვეთილს შეაფასებს** შეფასების ჯგუფი სამოდულო გაკვეთილის რუბრიკით, ამავდროულად მას ესწრებიან მასწავლებლები, რომლებისთვისაც გაკვეთილი თემატურად საინტერესოა. გაკვეთილს მასწავლებელი წინასწარ ათანხმებს შეფასების ჯგუფთან წლის დასაწყისში, როდესაც ის ადგენს ინდივიდუალურ სამოქმედო გეგმას, მაგალითად – კურიკულუმით განსაზღვრულია რომელიმე თემის გავლა, რომლის სამოდულო გაკვეთილად ჩატარებასაც გადაწყვეტს მასწავლებელი; გაკვეთილის ჩატარების შესახებ სხვა დაინტერესებული მასწავლებლებიც მიიღებენ ინფორმაციას. სამოდულო გაკვეთილის ჩატარების გარემო/სივრცეც განსხვავებულია, რადგან დამსწრე ადამიანების რაოდენობა საკმაოდ დიდია.

სავალდებულო აქტივობებიდან, სამოდულო გაკვეთილის ჩატარების გარდა, მენტორმა უნდა **იკვლიოს სკოლის საჭიროებები**, ისევე როგორც იკვლევდა წამყვანი მასწავლებელი, რადგან მისი კომპეტენციები არ უნდა იყოს შემოსაზღვრული იმ კლასებით, რომლებსაც ასწავლის. თუმცა, წამყვანი მასწავლებლებისგან განსხვავებით, იმის შემდეგ, რაც გამოიკვლევს სკოლის საჭიროებებს, მენტორი დაეგმავს პროფესიული განვითარების აქტივობას – ანუ კონკრეტული პრობლემის გამოკვების შემდეგ ის დაეხმარება სკოლას, რომ პრობლემა სკოლის დონეზე დაიძლიოს. სკოლის საჭიროებების კვლევის მიზანია, მასწავლებელმა, კვლევის ჩატარების შემ-

დგომ, პრობლემის საჭიროებიდან გამომდინარე, შესაბამისი რეკომენდაციები, პროფესიული განვითარების ღონისძიებები განახორციელოს.

**სტუდენტის და დამწყები მასწავლებლის კონსულტირება** – მენტორი მასწავლებლის კიდევ ერთი ვალდებულებაა. მენტორის სავალდებულო აქტივობაა, სკოლაში პრაქტიკაზე მოსულ სტუდენტს ან დამწყებ მასწავლებელს გაუწიოს კონსულტირება, დაეხმაროს ახალბედა მასწავლებელს გაიაროს პროფესიული ადაპტაცია, ხოლო სტუდენტი პრაქტიკაში მოამზადოს მომავალი პროფესიისთვის. ამისთვის ისინი არა მხოლოდ დაესწრებიან გაკვეთილებს, არამედ მენტორთან ერთად დაეგმევენ და ჩაატარებენ, ჩაერთვებიან საკლასო და კლასგარეშე აქტივობებში. ეს კი შეამცირებს სკოლიდან ახალბედა კადრების გადინებას, რადგან მათი მოლოდინები და კომპეტენციები სკოლაში საქმიანობის შესატყვისი გახდება.

**სასწავლო რესურსის შექმნა** – ეს აქტივობა, ისე როგორც წამყვანი მასწავლებლისთვის, მენტორისთვისაც სავალდებულოდ რჩება. რა ტიპის რესურსებზეა საუბარი და როგორ მოხდება მისი შეფასება, ამის შესახებ დეტალურ ინფორმაციას მასწავლებლები გზამკვლევის მეორე ნაწილიდან მიიღებენ, რაც ყველა დაინტერესებული პირისთვის ხელმისაწვდომი იქნება ცენტრის ვებგვერდზე – [www.tpdc.ge](http://www.tpdc.ge).

მენტორს მასწავლებელს, მას შემდეგ, რაც ამ სტატუსს მოიპოვებს, 5 წლის განმავლობაში, სტატუსის შესანარჩუნებლად, ამ სავალდებულო აქტივობების განხორციელება მოუწევს. ამის შემდეგ მისი სტატუსი უვადო ხდება, ამით სისტემა მას ნდობას უცხადებს.

თანმიმდევრულად, ყოველ შემდგომ საფეხურზე, იზრდება პასუხისმგებლობები და აქტივობების სირთულე. შესაბამისად, იზრდება კრედიტულების რაოდენობაც. **მენტორის კრედიტულები, აქტივობების მიხედვით, ასეთია:** ხუთ სამოდულო გაკვეთილში – 5 კრედიტულა, საჭიროებების კვლევაში – 2 კრედიტულა და ამას ემატება ერთი კრედიტულა, რომ განახორციელოს შესაბამისი პროფესიული განვითარების აქტივობა (ჯამში 3 კრედიტულა გამოდის); სტუდენტის და მასწავლებლის კონსულტირება – 2 კრედიტულა; შეფასების ჯგუფში ფასილიტატორობა – 2 კრედიტულა, სასწავლო რესურსის შექმნა 1-დან 4 კრედიტულამდე, გამომდინარე შექმნილი რესურსის ტიპიდან.

მენტორს, რომელიც შესანარჩუნებელ კრედიტულებს მოიპოვებს, შეფასების ჯგუფი მეტად აღარ აფასებს. ოპონენტები ამბობენ, რომ ასეთ შემთხვევაში მენტორი მასწავლებელი შესაძლებელია გაზარდოს და აღარაფერი გააკეთოს. ამ აზრს არ ეთანხმებიან მასწავლებელთა პროფესიული განვითარების ცენტრი და ამბობენ, რომ ოპონირება, ამ შემთხვევაში, უადგილოა, რადგან, მენტორს ვალდებულებაა რჩება შეფასების ჯგუფის წევრობა, კონსულტირება, სტაჟიორის ხელმძღვანელობა და სხვა ტიპის აქტივობები, რაც არაფრის კეთების საშუალებას მათ არ უტოვებს და მეტიც, თუკი დირექტორი ჩათვლის, რომ მენტორი მასწავლებელი კარგად და წარმატებულად არ ასრულებს მასზე დაკისრებულ ფუნქციას, მას უფლება აქვს შესაბამისი სანქციები დააკისროს.

**დაბოლოს, როგორია მენტორის ხელფასი** – ნელს სისტემაში არ არის მენტორი მასწავლებელი, მაგრამ რომ ყოფილიყო, სტატუსის დანამატი საბაზისო ანაზღაურებაზე 300 ლარი იქნებოდა. 2016 წლის აპრილში, როგორც ვიცით, მენტორი კვლავაც არ გვეყოლება, მაგრამ მისი სტატუსის დანამატი მაინც იზრდება და 400 ლარით განისაზღვრა, ხოლო 2017 წლის იანვარში კი (ამ დროს, სავარაუდოდ, უკვე გვეყოლება) სტატუსის დანამატი 700 ლარით განისაზღვრება, რაც საკმაოდ კარგი სტიმული უნდა იყოს მასწავლებლებისთვის.

## ინფორმაცია



137 წლის მანძილზე პირველად ფოთის N12 საჯარო სკოლის ისტორიულ შენობაში სარეაბილიტაციო სამუშაოები მიმდინარეობს

საქართველოს განათლებისა და მეცნიერების მინისტრის მოადგილემ, ლია გიგაურმა, ქალაქ ფოთის მაჟორიტარ დეპუტატთან, ეკა ბესელიასთან და ადგილობრივი თვითმმართველობის წარმომადგენლებთან ერთად, ფოთის №12 საჯარო სკოლაში მიმდინარე სარეაბილიტაციო სამუშაოები დაათვალიერა. ფოთის №12 საჯარო სკოლას არსებობის 137-წლიანი ისტორია აქვს. ნაგებობა კულტურული მემკვიდრეობის ძეგლთა ნუსხაშია შეტანილი. 137 წლის მანძილზე სკოლას პირველად უტარდება მასშტაბური სარეაბილიტაციო სამუშაოები.

ისტორიულ შენობაში სარეაბილიტაციო სამუშაოების დაწყება გარკვეულ წინააღმდეგობებთან იყო დაკავშირებული, თუმცა, ფოთის მაჟორიტარი დეპუტატის, განათლებისა და მეცნიერების სამინისტროსა და კულტურისა და ძეგლთა დაცვის სამინისტროს ძალისხმევით, ფოთის მე-12 საჯარო სკოლის რეაბილიტაცია დაიწყო. ინტენსიურ რეჟიმში მიმდინარე სარეაბილიტაციო სამუშაოები მიმდინარე წლის გაზაფხულზე დასრულდება.

ფართომასშტაბიანი სარეაბილიტაციო სამუშაოები, რომელსაც საქართველოს განათლებისა და მეცნიერების სამინისტროს ინფრასტრუქტურის განვითარების სააგენტო ახორციელებს, სკოლის სრულ განახლებას და თანამედროვე სტანდარტებით მოწყობას გულისხმობს:

შენობას ჩაუტარდა გამაგრებითი სამუშაოები, გაკეთდა გადახურვა, სარინელი, გამოიკვლევა იატაკი, კარ-ფანჯარა, ელექტრობა, დამონტაჟდება გათბობის თანამედროვე სისტემა, სველი წერტილები, სკოლას ექნება თანამედროვე სპორტული და სააქტო დარბაზები.

**ლია გიგაური:** „სკოლების ინფრასტრუქტურის რეაბილიტაციისთვის გრძელდება მასშტაბური პროექტები. პრიორიტეტი ენიჭება ისეთ სკოლებს, სადაც ინფრასტრუქტურა მნიშვნელოვნადაა მოძველებული და მოსწავლეებისთვის საფრთხეს წარმოადგენს. ფოთის მე-12 სკოლა სწორედ ასეთი იყო. მიუხედავად იმისა, რომ სკოლის სიმძლავრე 600 მოსწავლეზეა გათვლილი, აქ უკვე 200 მოსწავლეზე ნაკლები დარჩა, რადგან ყველა გრძნობდა, რომ სკოლის შენობაში ყოფნა გარკვეულ რისკთან იყო დაკავშირებული და შეიძლებოდა ბავშვებისთვის სახიფათო გამხდარიყო. ამიტომ დაიწყო ამ პროექტის განხორციელება. უკვე დახარჯულია 400 000 ლარამდე და სამუშაოები დასასრულისკენ მიდის.“

ძალიან სასიამოვნოა იმის ნახვა, როგორ ტემპით მიმდინარეობს სამუშაოები. ჩვენ ვხედავთ, რომ სკოლა სრულად იქნება რეაბილიტირებული, რაც მთავარია, შეიქმნება ისეთი ინფრასტრუქტურა, რომელიც მოსწავლეებისა და მასწავლებლების მოტივაციას აამაღლებს.“



აქტუალური თემა

ბულინგის პრევენციის საპილოტე პროგრამა

ლალი ჯვალაძე

არც თუ დიდი ხანია, რაც ჩვენს ლექსიკაში დამკვიდრდა სიტყვა „ბულინგი“, მისი გამოხატვის ფორმები კი ჩვენს რეალობაში ისეთივე ძველია, როგორც დანარჩენ სამყაროში, რადგან ადამიანის ან ადამიანთა ჯგუფის მიერ სხვების მიმართ განხორციელებული დამცირებისა და ძალადობის ფორმებს დიდი ხნის ისტორია აქვს.

ბულინგი სკოლებში საკმაოდ გავრცელებული ფორმაა და განვითარებული ქვეყნების უმეტესობისთვის აქტუალური პრობლემაც. თუმცა, მსოფლიოს ქვეყნებისგან ჩვენ იმ დამოკიდებულებით გამოვიჩნევით, რომ თითქმის ყველა კონკრეტული შემთხვევის დროს, ანუ მოსწავლეებს შორის კონფლიქტის მოგვარებას ამ პრინციპით ვარჩევთ: „ბავშვები არიან და მორიდდებიან“, და კიდევ, ბულინგის გამხელის შემთხვევაში, მას, ვინც გაამხელს, „ჩამშვებად“, „ცუდ ტიპად“ მოვიხსენიებთ. არადა, ასეთი დამოკიდებულება ძალადობის მსხვერპლ ბავშვებს კიდევ უფრო დაუცველს ხდის და ეს ყველაფერი ხშირად ფატალური შედეგით სრულდება ან, უკეთეს შემთხვევაში, უარყოფით კვალს ტოვებს მოსწავლის ემოციურ მდგომარეობაზე. ეს მეცნიერულადაც დასაბუთებულია. რა მნიშვნელობა აქვს, ბავშვი უფროსის მიერ განხორციელებული ძალადობის მსხვერპლი იქნება თუ თანატოლის?! ყველა მშობლისთვის საოცნებო, წარმატებული, ხალისიანი, ჯანმრთელი ბავშვების ნაცვლად, ძალადობის შედეგად, ყალიბდებიან განდგომილი, გულწათხრობილი და ჯანმრთელობა-შეღატებული პიროვნებები, რომლებსაც ცხოვრებისეულ სირთულეებთან გამკლავება უჭირთ და წარმატებასაც ძნელად აღწევენ. მასწავლებლების, აღმზრდელების, ფსიქოლოგების, პოლიციელებისა თუ სოციალური მუშაკების როლი ამ პროცესებში შეუფასებელია, მხოლოდ სწორი მეთოდებით აღზრდა და ჯანსაღი გარემო მისცემს მათ საშუალებას, სრულად გამოავლინონ თავიანთი პოტენციალი.

„ის, რასაც ყველა ხედავს, საკუთარი გამოცდილებიდანაც იცის, რომ არსებობს, მაგრამ სახელმწიფოს მისი აღიარება ყოველთვის უჭირს“ – ასე განმარტავს ფონდ „ლია საზოგადოება – საქართველოს“ წარმომადგენელი გიორგი ბურჯანაძე ბულინგის არსებობას სკოლებში. სახელმწიფო ამ პრობლემას არ აღიარებს, არადა, ბუნებრივია, ის თავისთავად არ მოგვარდება. ამიტომაც ფონდმა, როგორც ბატონი გიორგი ამბობს, საკითხის სიმწვავედან გამომდინარე, გადაწყვიტა დაეფინანსებინა „არაძალადობრივი კომუნიკაციის ინსტიტუტის“ ისეთი ინიციატივა, რომელიც ბულინგის კვლევასთან, მის შესწავლასა და შესაძლო პრობლემების დეტექციასთანაა დაკავშირებული. „ჩვენი მიზანია შესაძლო პრობლემის კვლევის მეთოდების იდენტიფიცირება“ – ამბობს იგი.

„არაძალადობრივი კომუნიკაციის ინსტიტუტი“ ფონდის „ლია საზოგადოება – საქართველო“ დახმარებით, სკოლებში ბულინგის პრევენციის პროექტს იწყებს.

2015 წელს, საჯარო სკოლებში, ბულინგის მდგომარეობის კვლევამ („ჰომოფობიური ბულინგი საჯარო სკოლებში“ – ანა სუბელიანი, აჩო ხაჩიძე) გამოავლინა, რომ მოსწავლეთა დიდი ნაწილი განიცდის ჩაგვრას სხვადასხვა საფუძველზე. მიზეზთა შორის კი უმეტესად გავრცელებული სტერეოტიპები და განსხვავებულობის მიუღებლობა გამოიკვეთა. მოზარდები ხშირად ხდებიან ბულინგის მსხვერპლი რელიგიური, გენდერული იდენტობის, სექსუალური ორიენტაციის, განსხვავებული იმიჯისა და შეხედულებების გამო. კვლევამ დაადასტურა, რომ სასკოლო წლების გარკვეულ მონაკვეთში, უმეტესად კი VII-IX კლასებში, მოსწავლეების დიდი ნაწილი ბულინგის მონაწილეა. მოზარდები გვევლინებიან როგორც ბულინგის გამტარებლის, ისე მსხვერპლის ან შემყურეს როლში.

გაეროს ბავშვთა ფონდის მიერ ჩატარებულ კვლევაზე საუბრობს იუნესკოს წარმომადგენელი ჯაბა ნაჭყვია: „კვლევა კონკრეტულად ბულინგს არ ეხება, თუმცა ყველაზე საგანგაშო და დამაფრთხილებელი იუნესკოს მიერ ჩატარებულ კვლევაში ის არის, რომ მოსახლეობის თითქმის 60 პროცენტი ცნობს ბავშვის ძალადობრივი აღზრდის მეთოდებს, რაც ხშირ შემთხვევაში გამოიხატება მსუბუქი ფიზიკური ან ფსიქოლოგიური ძალადობით. ეს აბსოლუტურად, საგანგაშოა, რადგან ბავშვის აღზრდის შემთხვევაში დაუშვებელია ძალადობის მეთოდები.“

„ეს არ არის მხოლოდ ქართული ფენომენი და არც მხოლოდ ქართულ სკოლებში ხდება, მაგრამ მნიშვნელოვანია, სახელმწიფოს ჰქონდეს ჩამოყალიბებული ხედვა და პოლიტიკა ამ პრობლემასთან საბრძოლველად, – აცხადებს „არაძალადობრივი კომუნიკაციის ინსტიტუტის“ წარმომადგენელი, ანა სუბელიანი, – სამწუხაროდ, ბოლო პერიოდში ხშირად ვგვხვდებით სუიციდის შემთხვევების შესახებ. რთულია პირდაპირ დავეუკავშიროთ, რომ კონკრეტულ შემთხვევებში ადგილი ჰქონდა სასკოლო ბულინგს, მაგრამ კვლევები ამტკიცებს, რომ ხშირად ბავშვებში სუიციდის გამოწვევი ფაქტორი სწორედ ძალადობაა როგორც სკოლაში, ისე ოჯახში.“

ბულინგის დაძლევაზე მიმართული სასკოლო პროგრამა საპილოტეა და თბილისის ორ კერძო სკოლაში – „მწვანე სკოლა“ და „ქორალი“ – განხორციელდება. პროექტის მიზანია კონკრეტულ სკოლებში ბულინგის პრევენცია და ასევე ეფექტური მექანიზმის შემუშავება, რომლის გამოყენების შესაძლებლობაც ექნებათ როგორც კერძო, ისე საჯარო სკოლებს. შემუშავებული მეთოდოლოგია მიმართული იქნება თანატოლებს შორის ჩაგვრის სხვადასხვა ფორმის შემცირებასა და სასწავლო გარემოს გაუმჯობესებისკენ.



პროექტის მენეჯერი ანა სუბელიანი ამბობს, რომ პროგრამა შეიძლება, პირობითად სამ ეტაპად დაიყოს. პირველ ეტაპზე, სამუშაო ჯგუფი შეისწავლის სკოლის შიდა კულტურას და ურთიერთობებს მოსწავლეებს, მოსწავლეებსა და მასწავლებლებს, მასწავლებლებსა და მშობლებს შორის. გარდა ამისა, პროგრამის ეს ეტაპი მოიცავს იმ დოკუმენტების (მაგალითად, მასწავლებლისა და მოსწავლის ქცევის შინაგანაწესის) შესწავლას, რომლითაც კონკრეტულ სკოლაში რეგულირდება ურთიერთობები. ასევე, შეისწავლიან იმ ჩანაწერებს (თუკი ასეთები არსებობს), სადაც აღრიცხულია მოსწავლეთა რთული ურთიერთობის, მათ შორის, ბულინგის შემთხვევები, მათი მოგვარების გზები. მოსწავლეებთან, მასწავლებლებთან და სკოლის ადმინისტრაციის თანამშრომლებთან სიღრმისეული ინტერვიუები და ფოკუს-ჯგუფები ჩატარდება.

ყოველივეს გათვალისწინებით, ბულინგის დაძლევის მექანიზმი – სატრენინგო მასალა და მეთოდოლოგია – შემუშავდება. მისი ტიპით, პროგრამის განხორციელებისას უკვე მრავალ ქვეყანაში გამოცდილ მეთოდებს გამოიყენებენ, რომლებიც ადგილობრივ საჭიროებებზე იქნება მორგებული.

პროგრამის ბოლო ეტაპზე კი სკოლის თემის წარმომადგენლებს – სკოლის ადმინისტრაციის თანამშრომლებს, მასწავლებლებს, მშობლებსა და მოსწავლეთა სხვადასხვა ასაკობრივ ჯგუფებს – ჩაუტარდება ტრენინგები. „პროგრამით მუშაობა VII-IX კლასების მოსწავლეებთანაა გათვალისწინებული, სადაც ყველაზე აქტუალურია ბულინგის პრობლემა, ასევე, I კლასის მოსწავლეებთან, რომლებიც ახლა იწყებენ სასკოლო ცხოვრებას და სწავლობენ გარკვეულ სოციალურ ნორმებს. მათთან, ბუნებრივია, სიტყვა „ბულინგს არც კი ვახსენებთ, მაგრამ ვეცდებით თამაშ-თამაშით მივახვედროთ, როგორ უნდა მიაღწიონ მიზნებს ისე, რომ სხვას ზიანი არ მიაყენონ,“ – ამბობს ანა სუბელიანი.

პროექტის ფარგლებში, დიდი ყურადღება მიექცევა იმ ადამიანებს, რომლებიც მოსწავლეებს არაფორმალურ გარემოში აკვირდებიან. მაგალითად, უსაფრთხოების ან სკოლის კაფეტერიის თანამშრომლებს, რომელთა თვალწინაც ყველაზე ხშირად შეიძლება ხდებოდეს ბულინგის შემთხვევები. ასე რომ, პროგრამის ფარგლებში, მათ შესწავლიან, ერთი მხრივ, ბულინგის იდენტიფიცირებას, თუ როგორ გააჩინონ უბრალო ბავშვური ხუმრობა სერიოზული პრობლემური შემთხვევებისგან, მეორე მხრივ, საჭირო ინფორმაციას მიაწოდებენ იმის თაობაზე, ვის ან როგორ მიმართონ ბულინგის იდენტიფიცირების შემთხვევაში.

რატომ შეირჩა საპილოტედ კერძო სკოლები? ამ კითხვას ანა სუბელიანი პასუხობს, რომ, სამწუხაროდ, არ მიეცათ საშუალება საჯარო სკოლებში ჩაერთონ საპილოტე რეჟიმში და განხორციელებინათ ბულინგის პრევენციისაკენ მიმართული პროგრამა.

„ჩვენი ორგანიზაცია 2014 წლიდან მუშაობს აღნიშნულ პრობლემაზე და, მიუხედავად განათლების სამინისტროსთან შეიძინებულ განმავლობაში მიმდინარე აქტიური მოლაპარაკებებისა, სამინისტროს მხრიდან პრობლემის მოსაგვარებლად ქმედითი ნაბიჯები არ გადადგმულა. ორგანიზაციას არ მი-

ეცა საჯარო სკოლებში პროგრამის პილოტირების შესაძლებლობა.

„ზოგადი განათლების შესახებ“ კანონის თანახმად, სულაც არ არის სამინისტროს ნებართვა აუცილებელი, რომ სკოლამ გადაწყვიტოს ამ ტიპის პროგრამის განხორციელება. თუმცა, რეალობა სხვაგვარია – სკოლები დამოკიდებული არიან განათლების სამინისტროს პოლიტიკურ გადაწყვეტილებაზე. სკოლებს, კვლევებისთვის, მასწავლებლებთან და მოსწავლეებთან ფოკუს-ჯგუფების ჩასატარებლად, კომუნიკაციაში დახმარება ვთხოვეთ, მაგრამ უშედეგოდ. ასეთი დიდი პროექტის დაწყებას მხოლოდ სკოლებთან კომუნიკაციით ვერ შევძლებდით, სწორედ ამიტომ გვჭირდებოდა სამინისტროს თანხმობა, რასაც შეიძინეთვის განმავლობაში ვერ მიაღწიეთ“ – ამბობს ანა სუბელიანი.

პროგრამის პრევენციის განათლებისა და მეცნიერების სამინისტროს ზოგადი განათლების დეპარტამენტის წარმომადგენელი სალომე შარაშენიძე ესწრებოდა, რომელმაც განმარტა, რომ სამინისტროს კარგად აქვს გაცნობიერებული აღნიშნული პრობლემის არსი. ამ კუთხით, სხვადასხვა ტიპის პროგრამებსაც ახორციელებს, მაგალითად, მშობლების განათლებისა და ჩართულობის პროგრამას. მან, სამინისტროს სახელით, პროგრამის განხორციელებისთვის მზაობა გამოთქვა.

„ჩვენი პროგრამა პრინციპულად განსხვავდება ნებისმიერი იმ ინიციატივისგან, რომელიც დღემდე განხორციელებულა ან ხორციელდება საჯარო სკოლებში. პირადად მეც და პროგრამაში ჩართულ ექსპერტებსაც არაერთხელ ჩაგვიტარებია ბულინგის დაძლევაზე მიმართული ტრენინგები თუ კამპანიები, მასწავლებლებისა და მოსწავლეების მონაწილეობით. თუმცა, ფუნდამენტური განსხვავება მდგომარეობს იმაში, რომ დღემდე განხორციელებული პროექტები ერთჯერადი აქტივობების ხასიათს ატარებდა და ამიტომაც, მისი მდგრადობის უზრუნველყოფა ფაქტობრივად შეუძლებელი იყო. განსაკუთრებით როდესაც ჩვენ შეხება გვაქვს მასწავლებლებთან, რომლებიც ათწლეულებია მოღვაწეობენ და ჩამოყალიბებული დამოკიდებულებები და ქცევის მოდელი აქვთ, მათ უმრავლესობასთან ცვლილების მიღწევა თითქმის წარმოუდგენელია ერთჯერადი შეხვედრებით. ჩვენი პროგრამის მთავარი პოზიტიური მხარე ის არის, რომ ის პოლისტორ მიდგომას ეყრდნობა, ფენომენს კომპლექსურად შეისწავლის და მის აღმოფხვრასაც ასე ხედავს. სწორედ ამიტომ, ერთი წლის განმავლობაში, ინტენსიურად ვიმუშავებთ სკოლასთან და სკოლის თემის თითოეულ წარმომადგენელთან. გარდა ინფორმაციის გადაცემისა, გვექნება შესაძლებლობა, მათ პრაქტიკაში გამოავადვიონთ კომუნიკაციის ახალი, ბევრად უფრო ჯანსაღი და პოზიტიური მეთოდები“ – აცხადებს პროექტის მენეჯერი ანა სუბელიანი.

პროექტის უმთავრესი მიზანი კი, როგორც მისი მესვეურები აცხადებენ, ბულინგის დასაძლევად კონკრეტული მექანიზმის, მეთოდოლოგიის შექმნა და მისი პილოტირებაა. კვლევის შედეგებზე დაფუძნებული მეთოდოლოგია კი, ხელმისაწვდომი გახდება როგორც კერძო სკოლებისთვის, ისე განათლების სამინისტროსთვის, რაც, მათი განმარტებით, მზა რესურსი იქნება პროგრამის საჯარო სკოლებში დასაწერად.





# ქართული ენა და ლიტერატურა

შეფასებისა და გამოცდების პროცესული ცენტრი აბიტურიენტებს, Facebook გვერდზე, სთავაზობს საინფორმაციო ვიდეორგოლებს.


ამ რგოლებში სხვადასხვა სახეობრივი ჯგუფის წარმომადგენლები ყურადღებას ამახვილებენ გამოცდის რეგულაციებზე, ასევე ტექნიკურ საკითხებზე. ჯგუფების წარმომადგენლები კონკრეტულ რჩევებსაც მისცემენ აბიტურიენტებს.

გთავაზობთ შეფასებისა და გამოცდების პროცესული ცენტრის ქართული ენისა და ლიტერატურის ჯგუფის ხელმძღვანელის კახა ჯამბურის რჩევებს აბიტურიენტებისთვის.

2016 წლის ერთიანი ეროვნული გამოცდები ნაწილობრივ ელექტრონულ ფორმატში ჩატარდება. ეს რას ნიშნავს? თუ აქამდე აბიტურიენტები დავალებას კითხულობდნენ ნაბეჭდი ბუკლეტიდან, ახლა დავალებას კომპიუტერის ეკრანზე დაინახავენ. დანერგეს ისევე ისე, როგორც წერდნენ ხოლმე, ანუ პასუხების ფურცელი არ შეცვლილა, არ შეცვლილა არც ტესტის დიზაინი - პირველი დავალება ისევე უნდა დაინერგოს იმ გვერდზე, სადაც წერია „დავალემა №1“, ანუ ტექსტის რედაქტირება. ამისთვის აბიტურიენტებს ექნებათ ე.წ. შავი სამუშაოსთვის განკუთვნილი ფურცლები, სადაც შეუძლიათ ჯერ შავად დაწერონ და შემდეგ გადაათეთრონ. ასევე, მეორე დავალების ადგილას უნდა დაინერგოს, ჩვეულებრივ როგორც ინერგებოდა ხოლმე პასუხების ფურცელში, არგუმენტირებული ესე. ნაკითხულის გააზრებისთვის გამოყოფილ უჯრეტში კი, ისევე ძველი წესით - ჯერებით უნდა აღინიშნოს სწორი პასუხები. შემდეგ მოცემულია ადგილი მხატვრული ანალიზისთვის, სადაც აბიტურიენტებს ჯერ ასევე შავად შეუძლიათ იმუშაონ და შემდეგ გადაათეთრონ ფურცელზე მხატვრული ანალიზისთვის განკუთვნილ ადგილას.

დააბრუნებენ. ეს კლავიშები, რა თქმა უნდა, ისრები მხოლოდ - მარჯვნივ და მარცხნივ. ძალიან ადვილი აღსაქმელი, ნათელი გვერდია, ძალიან ადვილად სამართავი, რადგან მხოლოდ და მხოლოდ ორი კლავიშის გამოყენება დასჭირდება აბიტურიენტს. დანარჩენი ისევე ხელით ინერგება. არავინ იფიქროს, რომ კლავიატურაზე მოუწევს ტექსტის აკრეფა. არაფრის აკრეფა არ უნდა, დავალება ისევე პასუხების ფურცელზე სრულდება, როგორც სრულდებოდა.

სადაც დიდი ტექსტია მოცემული, მაგალითად, ნაკითხულის გააზრება, რომელიც ერთ გვერდზე არ ეტევა და შემდეგზე გადადის, მუშაობის პროცესში აბიტურიენტს შეუძლია გამოიყენოს ლილაკი (დააჭიროს მას კურსორი) „დაბრუნება ტექსტზე“ ან „დაბრუნება კითხვაზე“. ეს ყველაფერი, რა თქმა უნდა, ძალიან მარტივია, ადვილი მოსახმარია და ძალიან გაუადვილებს აბიტურიენტს მუშაობას, თუკი მანამდე ერთხელ ან ორჯერ ნაივარჯიშებს, რისი საშუალებაც, ცხადია, ყველა აბიტურიენტს, ყველა დაინტერესებულ პირს ექნება. არა მარტო აბიტურიენტებს, ყველა მსურველს შეუძლია ნახოს დავალებების ნიმუშები ჩვენს ვებგვერდზე და სავარჯიშოდ გამოიყენოს. ერთადერთი, ვურჩევ აბიტურიენტებს, პირდაპირ პასუხების ფურცელში ნუ იქარებენ თემების ან არგუმენტირებული ესეს დაწერას. გამოიყენონ ე.წ. შავი ფურცლები, ჯერ შავად იმუშაონ, შემდეგ გადაწერონ. გადაწერის მერე, ვურჩევ, ნაკითხონ ნელა, დაკვირვებით, რადგან დრო იმდენია გამოყოფილი გამოცდისთვის, რომ თავისუფლად მოასწერებს



აბიტურიენტი არა მარტო ტექსტის დაწერას, არამედ მის გასწორებასაც. ძალიან ხშირად კარგავენ აბიტურიენტები ქულეს მექანიკური, გადაწერის დროს დაშვებული შეცდომების გამო. ამიტომ, ვურჩევ ყველას, რომ ნელა, ნყნარად, მშვიდად და აუღელვებლად იმუშაონ.

შინაარსობრივი თვალსაზრისით, ქართული ენისა და ლიტერატურის ტესტში, არჩევითი გამოცდის ტესტშიც, არაფერი შეცვლილა. ყველა იმ ტიპის დავალებაა, როგორც იყო შარშან, შარშანწინ. კიდევ ერთი რჩევა მინდა მივცე აბიტურიენტებს - როდესაც ნაკითხულის გააზრებას ასრულებენ, ყოველთვის შეუძლიათ, შეკითხვის ნაკითხვის შემდეგ, დაუბრუნდნენ ტექსტს და კიდევ ერთხელ დახედონ, რადგან ძალიან ხშირად აბიტურიენტები ჩქარობენ ხოლმე და, როდესაც შეკითხვის ოთხი სავარაუდო პასუხიდან პირველი მოეჩვენებათ სწორად, იმ ნუთშივე ირჩევენ. არ იჩქაროთ, ოთხივე პასუხი ნაკითხეთ, მერე ტექსტის იმ მონაკვეთს კიდევ ერთხელ ჩახედეთ, რადგან ძალიან ხშირად ოთხივე პასუხი, რა თქმა უნდა, იმ ტექსტიდან გამომდინარე არის ხოლმე, მაგრამ სწორი მაინც მხოლოდ ერთია.

## ქონკურსი უფროსკლასელებსთვის

# „ზღაპრები და ლებენლები ბებიას სკივრიდან“ გახდი არამატერიალური კულტურული მემკვიდრეობის ქომაგი!

საქართველოს კულტურული მემკვიდრეობის დაცვის ეროვნულმა სააგენტომ საფუძველი ჩაუყარა უფროსკლასელთა კონკურსის სახელწოდებით „არამატერიალური კულტურული მემკვიდრეობის ქომაგი“. წელს კონკურსი მეოთხედ იტეხს სტარტს. თავად მიმართულების მრავალფეროვნებიდან გამომდინარე, ბუნებრივია, რომ ყოველწლიურად იცვლება კონკურსის თემატიკა. პირველად, 2012 წელს, კონკურსი ზოგად, გაცნობით ხასიათს ატარებდა. მომდევნო ორი წლის განმავლობაში კონკურსმა კონკრეტული ამოცანები დაისახა თემებით: „ტრადიციული ხელსაქმე და ხელოსნობა“ და „გარემოს დაცვისა და ბუნებრივი რესურსების მდგრადი გამოყენების ტრადიციები საქართველოში“.

იყოს მონაწილის მიერ შესრულებული ილუსტრაციების ფორტოებით, რათა ნამუშევრების გადარჩევისას კომისიის წევრებს გაუადვილდეს მათი შეფასება.

სასურველია ნიმუში ჩაინერგოს თქვენი რეგიონის (სოფლის, ქალაქის, ქუჩის, უბნის, ოჯახის, და ა.შ.) მკვიდრი მოსახლისაგან.

სასურველია მოძიებული და ჩანერილი ნიმუში ფართე საზოგადოებისთვის ნაკლებად იყოს ცნობილი.

სკოლის შიდა შერჩევის შედეგად შერჩეული საუკეთესო ერთი ან რამდენიმე ნიმუში სკოლამ უნდა გადმოგზავნოს:

- ❖ კულტურული მემკვიდრეობის დაცვის ეროვნულ სააგენტოში ელფოსტაზე [aramaterialuri@yahoo.com](mailto:aramaterialuri@yahoo.com),
- ❖ ან გაზეთ „ახალი განათლების“ რედაქციაში,
- ❖ ან მოგვანოდოს ფოსტით - „საქართველოს კულტურული მემკვიდრეობის დაცვის ეროვნული სააგენტო“, მისამართზე: თბილისი, 0105, თაბუკაშვილის ქ. 5.

საინტერესო ნაშრომების ავტორები მონაწილეობას მიიღებენ მეორე ტურში.

### მეორე ტური

მეორე ტურში გადასული მოსწავლეები, კონკურსის ორგანიზატორების შენიშვნების გათვალისწინებით, ჩაასწორებენ ნიმუშებს და ხელახლა გადმოგზავნიან კონკურსის გამარჯვებულის გამოსაცემად.

გამარჯვებული ნიმუშების მიხედვით შედგება ილუსტრირებული კრებული, რომელიც გამოიცემა კულტურული მემკვიდრეობის დაცვის ეროვნული სააგენტოს მიერ და საშუალოდ გადაეცემათ ავტორებსა და კონკურსში მონაწილე სკოლებს, ასევე სხვა დაინტერესებულ ორგანიზაციებს.

გამარჯვებული ავტორი (სკოლა, მასწავლებელი, მოსწავლე), საქართველოს კულტურული მემკვიდრეობის დაცვის ეროვნული სააგენტოს მიერ დაჯილდოვდება საგანგებო სიგელით და მიიღებს „არამატერიალური კულტურული მემკვიდრეობის ქომაგის“ ნოდებას. ნამუშევრები გამოქვეყნდება გაზეთ „ახალ განათლებაში“. გაშუქდება მასმედით.

### საკონკურსო ნიმუშის წარდგენის ფორმა:

1. არამატერიალური კულტურული მემკვიდრეობის ნიმუში - დასახელება;
2. იდეის ავტორი - სახელი, გვარი;
3. ხელმძღვანელი პედაგოგი - სახელი, გვარი, საკონტაქტო ინფორმაცია (ტელეფონი, ელმისამართი);
4. ქალაქი (რაიონი, სოფელი) და სკოლის სრული დასახელება;
5. სკოლის დირექტორი - სახელი, გვარი, საკონტაქტო ინფორმაცია (ტელეფონი, ელმისამართი);
6. არამატერიალური კულტურული მემკვიდრეობის ნიმუშის სხვა დასახელება (რამდენიმე დასახელების შემთხვევაში, მიუთითეთ ყველა სათაური და დაურთეთ კომენტარი);
7. ნიმუშის აღწერა.

### აღწერისათვის უპასუხეთ შემდეგ კითხვებს:

- ❖ რას წარმოადგენს თქვენ მიერ შერჩეული არამატერიალური კულტურული მემკვიდრეობის ნიმუში (ზღაპარი, იგავი, თქმულება, ლეგენდა და ა.შ.) - მოკლე განმარტება ნიმუშის შესახებ;
- ❖ ნიმუშის სახელწოდება (აგრეთვე, მიუთითეთ თუ არის ცნობილი თქვენ მიერ აღწერილი ნიმუშის განსხვავებული, სხვა სახელწოდება);
- ❖ ნიმუშის ჩანერის აღწერილობა - სად, როდის, რისთვის და ვის მიერ იქნა მოთხრობილი და ჩანერილი ეს ნიმუში და ვისგან აქვს მოსმენილი თავად მის თხრობელს;
- ❖ ტრადიციულად, რა დროს, რა შემთხვევაში ჰყვებოდნენ მას (ასეთის არსებობის შემთხვევაში, აღწერეთ გარემოება, როდესაც ჰყვებოდნენ ამ კონკრეტულ ნიმუშს);
- ❖ რას უკავშირდებოდა აღნიშნული ამბის თხრობა/გამოყენება/შესრულება;
- ❖ რა ატრიბუტები უკავშირდება/თან ახლავს მის თხრობას/გამოყენებას/შესრულებას (ასეთის არსებობის შემთხვევაში დააფიქსირეთ ფოტოზე);
- ❖ სხვა პირობები, რომელიც აუცილებელია აღნიშნული ნიმუშის თხრობის დროს;
- ❖ რა როლი ენიჭება თქვენ მიერ შერჩეულ ნიმუშს საზოგადოების კულტურულ, ან რელიგიურ, ან ყოველდღიურ ცხოვრებაში. დაასაბუთეთ შემოთავაზებული ნიმუშის მნიშვნელობა (უნიკალობა ან ორიგინალობა) პირადად თქვენთვის (რეგიონისთვის, სოფლისთვის, ოჯახისთვის, სკოლისთვის...), საზოგადოებისათვის;
- ❖ აღწერეთ თავად ნიმუში - სასურველია, სიტყვების საერთო რაოდენობა არ იყოს 500 სიტყვაზე ნაკლები.

სპეციფიკის გათვალისწინებით წარმოდგენილ ნაშრომს უნდა ახლდეს შესაბამისი თვალსაჩინო მასალა: ფოტო, ვიდეო (შესაძლებლობის შემთხვევაში), ასევე ჩანახატი, ჩანახაზი, შაბლონი, სქემა, ესკიზი და სხვ.

ნამუშევრებს, სპეციფიკისგან განსხვავებით, განიხილავენ არამატერიალური კულტურული მემკვიდრეობის ექსპერტები.

### გადმომგზავნის ვადა 2016 წლის 1 მარტი.

გვეკონტაქტეთ: სამუშაო დღეებში (32)298-39-24, 13სთ-დან 15სთ-მდე ან 599 08 40 03; 599 08 40 14; [aramaterialuri@yahoo.com](mailto:aramaterialuri@yahoo.com)

მაკა თაქთაქიშვილი, სალომე ხმიადაშვილი, კოტე ნაცვლიშვილი

საქართველოს კულტურული მემკვიდრეობის დაცვის ეროვნული სააგენტოს იუნესკოსა და საერთაშორისო ურთიერთობების სამსახურის არამატერიალური მემკვიდრეობის განყოფილება

### თითოეული ნაშრომი უნდა მოიცავდეს:

1. ფორდის ფაილში დაწერილ საკონკურსო ნამუშევარს;
2. მოსწავლეების მიერ მოთხრობილი ამბის მიხედვით ცალკე შესრულებულ (დახატული, გამოძერწილი, კონსტრუირებული და სხვ.) ილუსტრაციებს და მათი მალაღობი ხარისხით გადაღებულ ფოტოებს (რაოდენობა შეზღუდული არ არის). ფოტოები უნდა გადმოგზავნოს ფორდის ფაილში შესრულებულ ნაწერთან ერთად jpg ფორმატში;
3. ელემენტზე მუშაობის ამსახველი ფოტომასალა, გადმოგზავნილი ასევე jpg ფორმატში;
4. ფორდის ფაილში დაწერილი ნაშრომი გაფორმებული უნდა



# ახალი რეგულაციები მიუსაფარი ბავშვების დასაცავად

ლალი ჯვალაძე

მიუსაფარ ბავშვებზე ძალადობისა და მათი უფლებებზე დაცვის ალკეითის მიზნით მნიშვნელოვანი ნაბიჯი იდგება – საქართველოს მთავრობამ ქუჩაში მცხოვრები და მომუშავე ბავშვების უფლებების დასაცავად საკანონმდებლო ცვლილებათა პაკეტი დაამტკიცა.

ცვლილებათა პაკეტი გულისხმობს შესწორებების შეტანას კანონმდებლობაში და მოიცავს რვა მნიშვნელოვან ცვლილებას, კერძოდ:

• შემოატანს ტერმინის „ქუჩაში მცხოვრები და მომუშავე ბავშვის“ განმარტება სამართლებრივი გარანტიების შესაქმნელად და უზრუნველყოფს სპეციფიკურ მომსახურებებს (პირადობის დამადასტურებელი (ID) ბარათი, განათლების და ჯანდაცვის ხელმისაწვდომობა და სხვ.);

• ამატებს ადგილობრივ მუნიციპალიტეტებს და სხვა სამინისტროებს იმ სახელმწიფო დაწესებულებათა ჩამონათვალს, რომელიც რეგულირებს სახელმწიფო მექანიზმის თანხმად, პასუხისმგებელია რეაგირება მოახდინოს ბავშვთა მიმართ ძალადობაზე. აღნიშნული გულისხმობს, რომ ბავშვთან მომუშავე ყველა პროფესიონალი ვალდებული იქნება, რომ გამოავლინოს და სათანადო უწყობას შეატყობინოს ბავშვთა მიმართ ძალადობის შემთხვევა;

• ქუჩაში მცხოვრები და მომუშავე ან ძალადობის მსხვერპლი ბავშვებისთვის უზრუნველყოფს პირადობის დამადასტურებელ მონომბას, ზოგ შემთხვევაში კი დროებით მონომბას. ეს ხელს შეუწყობს ამ ბავშვებისთვის განათლების, ჯანდაცვის და სოციალური სერვისების ხელმისაწვდომობას, მოკლე დროში, მშობლის ვინაობის ან მოქალაქეობის დადგენის ან მშობლისგან თანხმობის მიღების გარეშე;

• გაზრდის სოციალური მუშაკების უფლებამოსილებას, რომ მათ გამოეყენონ ბავშვის ოჯახისგან განცალკევების უფლება, როგორც უკიდურესი ზომა. სოციალურ მუშაკებს აქვთ სპეციფიკური უფლება და უნარები (იმ პოლიციელებისგან განსხვავებით, რომელთაც ამჟამად აქვთ უფლებამოსილება განაცალკეონ ბავშვი ოჯახისაგან), რომ გამოავლინონ ძალადობის სხვადასხვა ფორმა. ამდენად, მათი ჩარევა მნიშვნელოვანია ძალადობის ნებისმიერი ფორმისგან ბავშვის დასაცავად;

• შეაჩეროს მშობლის უფლებები სასამართლოს საბოლოო გადაწყვეტილებამდე, როდესაც ხდება ბავშვის ოჯახიდან გამოყვანა, ოჯახური ძალადობის გამო. ცვლილებათა პაკეტი სამუშაო ჯგუფის მიერ მომზადდა, რომელშიც სამთავრობო ორგანიზაციებთან ერთად არასამთავრობო ორგანიზაციები და იუნისეფი შედიან.

დღეს მოქმედი კანონმდებლობით, არ არის განსაზღვრული, ვინ მიეკუთვნება ქუჩაში მცხოვრები ბავშვების კატეგორიას, სწორედ ამიტომ არ არიან ისინი ზუსტად აღრიცხულნი, თავისთავად, არ არის სათანადოდ დაცული ასეთი ბავშვების უფლებები. მათ არ გააჩნიათ საიდენტიფიკაციო დოკუმენტაცია – დაბადებისა და პირადობის მონომბები, პასპორტი, რადგან მათი მშობლები და მეურვეები ვერ ახერხებენ ან არ თვლიან საჭიროდ პატარებისთვის დოკუმენტაციის მოწესრიგებას. ამის გამო ისინი ვერ იღებენ განათლებას, არ არიან ჩართული სოციალური თუ სამედიცინო სახის სახელმწიფო პროგრამებში. ბავშვზე ძალადობის შემთხვევაში, არ არსებობს მისი მოძალადისაგან მისიერად განცალკევების მექანიზმი.

ამ საკითხების კანონით მოწესრიგების მიზნით, 2014 წლის 14 ნოემბერს, ადამიანთა ვაჭრობის (ტრეფიკინგის) წინააღმდეგ მიმართული ღონისძიებების განმარტაციულ ელემენტს უწყებათაშორისი საკოორდინაციო საბჭოს სხდომაზე, შეიქმნა სამუშაო ჯგუფი, ხოლო ცვლილებათა პაკეტი მოწინააღმდეგე დამატებითი იქნა საბჭოს 2015 წლის 23 დეკემბრის სხდომაზე. ცვლილებებზე აქტიურად მუშაობდა საბჭოს წევრი ყველა უწყება, განსაკუთრებით კი, საკითხის პირდაპირ დაინტერესებული უწყებები და სტრუქტურები: საქართველოს შინაგან საქმეთა სამინისტრო; საქართველოს შრომის, ჯანმრთელობისა და სოციალური დაცვის სამინისტრო; საქართველოს იუსტიციის სამინისტრო (სსიპ „სახელმწიფო სერვისების განვითარების სააგენტო“); საქართველოს მთავარი პროკურატურა; საქართველოს განათლებისა და მეცნიერების სამინისტრო; სსიპ „ადამიანთა ვაჭრობის (ტრეფიკინგის) მსხვერპლთა, დაზარალებულთა დაცვისა და დახმარების სახელმწიფო ფონდი“. სამუშაო პროცესში ჩართული იყვნენ: საქართველოს სახალხო დამცველის აპარატი; გაეროს ბავშვთა ფონდის (UNICEF), საქართველოში აშშ-ს საელჩოს, საქართველოს პარლამენტის, ა(ა)იპ „ძალადობისაგან დაცვის ეროვნული ქსელის“, ა(ა)იპ „სამოქალაქო განვითარების სააგენტოს“, ა(ა)იპ „საინფორმაციო სამედიცინო-ფსიქოლოგიური ცენტრის – თანადგომის“, მიგრაციის საერთაშორისო ორგანიზაციის, ა(ა)იპ „ბავშვი და გარემოს“, ა(ა)იპ „კარიტასი საქართველოს“, ა(ა)იპ „ვორლდ ვიჟენ საქართველოს“ (World Vision Georgia), ა(ა)იპ „გადავარჩინო ბავშვების“ (Save the Children), ა(ა)იპ საქართველოს კოალიციის – „ბავშვებისა და ახალგაზრდების კეთილდღეობისათვის“, ა(ა)იპ „საქართველოს ბავშვების“ წარმომადგენლები – აცხადებენ იუსტიციის სამინისტროში.

იუსტიციის სამინისტროს ცნობით, კანონპროექტს შემოაქვს ცნება „მიუსაფარი ბავშვი“, რაც შესაბამის სტრუქტურებს საშუალებას მისცემს, დაიცვას არა მხოლოდ ობოლი, უსახლკარო, არამედ უფლებებზე დაცვის მსხვერპლი ბავშვიც. ახლებურად რეგულირდება მიუსაფარი ბავშვებისათვის

დოკუმენტაციის გაცემის პროცესი და უფრო ქმედითი ხდება არასრულწლოვნების ნებისმიერი ძალადობისაგან დაცვის მექანიზმები.

ასეთი ბავშვების დოკუმენტაციის მოწესრიგების მიზნით, სოციალური მომსახურების სააგენტოს ეძლევა უფლება, მიმართოს იუსტიციის სამინისტროს სახელმწიფო სერვისების განვითარების სააგენტოს მიუსაფარი ბავშვებისათვის დოკუმენტაციის გაცემის თხოვნით. დღეს მოქმედი კანონმდებლობით, ამის შესაძლებლობა მხოლოდ ბავშვის მშობელსა და მეურვეს აქვთ. ცვლილებების ამოქმედების შემდეგ, საქართველოს იუსტიციის სამინისტროს ინიციატივის თანახმად, მიუსაფარ ბავშვებზე დოკუმენტები უფასოდ გაიცემა; დოკუმენტაციის მოწესრიგების შემდეგ კი მათ საშუალება ექნებათ, მიიღონ განათლება, შემწეობა და ჩაერთონ საყოველთაო ჯანდაცვის პროგრამებში. ცვლილებები უფრო ქმედითი გახდის არასრულწლოვნების ნებისმიერი ძალადობისაგან დაცვის მექანიზმებს. კანონპროექტი სოციალური მუშაკის როლის გაზრდას ითვალისწინებს, რომელსაც გადაუდებელი აუცილებლობისას, ექნება უფლება, მიიღოს გადაწყვეტილება ბავშვის მოძალადისაგან დაუყოვნებლივ განცალკევების თაობაზე.

კანონპროექტი მთავრობის სხდომას იუსტიციის მინისტრმა თეა წულუკიანმა წარუდგინა.

**თეა წულუკიანი:** „სახელმწიფოსა და საზოგადოების ტკივილია ქუჩაში მცხოვრები და მომუშავე ბავშვები. ყველა ბავშვს აქვს განვითარების უფლება, ამიტომ ჩვენ პარტნიორ ორგანიზაციებთან, იუნისეფთან და ჩვენს კოლეგა სამინისტროებთან ერთად, ტრეფიკინგის წინააღმდეგ ბრძოლის საბჭოში შევიმუშავეთ ცვლილებების პაკეტი, რომელიც დღეს მთავრობამ ერთხმად დაამტკიცა და რომელიც ქუჩაში მყოფი, მცხოვრები და მომუშავე ბავშვების უკეთეს დაცვას ემსახურება. პირველი სიახლე, რაც იქნება და მე მჯერა, რომ პარლამენტი ამ რეფორმას მხარს დაუჭერს და საქართველოს კანონში შემოვა ახალი ცნება – „მიუსაფარი ბავშვი“. ამ სტატუსზე მიბმული იქნება მთელი რიგი საჯარო სერვისები. მაგალითად, დღეს, როცა ამგვარი ბავშვები იუსტიციის სამინისტროს თვალთახედვის არეში მოხვდებიან, ვერ იღებენ საბუთებს, ვერ ხდება მათი იდენტიფიკაცია – საიდან მოდიან, სად არიან, რომელი ქვეყნიდან შემოდიან და არიან თუ არა ჩვენი ქვეყნის მოქალაქეები, აქ დაბადებულები. მათზე პასუხისმგებელი პირები ჩვენ არ მოგვმართავენ და რეალურად ეს ბავშვები იდენტიფიკაციის პროცედურების მიღმა რჩებიან. ამ რეფორმის შედეგად, მზრუნველობის ორგანოებს, ანუ სახელმწიფოს მიერ ჩვენდამი მართვის უფლებას და ეს საკითხი აღარ იქნება დამოკიდებული მშობელზე ან სხვა კანონიერ წარმომადგენელზე. დღეს მშობელი ან კანონიერი წარმომადგენელი თუ არ მოგვმართავს, ბავშვებზე საბუთებს ვერ გავცემთ. მომავალში მზრუნველობის ორგანოსაც ექნება მართვის უფლება.

ასევე ვფარტობთ სოციალური მუშაკის უფლებამოსილებას, რომელსაც ამ რეფორმით მიეცემა საშუალება, უფლებებულ იქნას ან ძალადობის შემთხვევაში, უკიდურესი ზომის სახით, დაუყოვნებლივ მიიღოს გადაწყვეტილება ბავშვის აგრესიისგან განცალკევების შესახებ, რომლის გასაჩივრებაც, რა თქმა უნდა, შესაძლებელი იქნება სასამართლოს ორი ინსტანციის წინაშე. მაგრამ ეს გადაწყვეტილება კანონიერ ძალაში შევა მყისიერად და განცალკევება მაშინვე მოხდება.

გვინდა, რომ სოციალური სამსახური განვითარდეს საქართველოში და უკეთ მოემსახუროს ქუჩაში მყოფი ბავშვების უფლებების დაცვას, რომელთა მომავალი, რა თქმა უნდა, ქუჩასთან არ უნდა იყოს დაკავშირებული.

დაბოლოს, სოციალური მუშაკის ამგვარი გადაწყვეტილებისადმი დაუმორჩილებლობა გამოიწვევს, პირველ ჯერზე – ადმინისტრაციულ პასუხისმგებლობას, მეორე ჯერზე – სისხლის სამართლებრივ პასუხისმგებლობას, როგორც ეს, მაგალითად, პოლიციის მიერ არსებული, დამცავი თუ შემცავებელი ორდერისადმი დაუმორჩილებლობის შემთხვევაშია. ამ რეფორმის შედეგად გვეყოლებიან უკეთესად დაცული ბავშვები, რომლებსაც ქუჩის გამოვაცლით ხელდას; გვეყოლებიან ძლიერი სოციალური მუშაკები, რომლებსაც ამგვარი ბავშვების დაცვის უკეთესი ბერკეტები ექნებათ. იუსტიციის სამინისტრო გვამბავს, რომ მიუსაფარ ბავშვებზე გასაცემი საიდენტიფიკაციო დოკუმენტები უფასო იყოს.

იუსტიციის მინისტრის მოადგილე **ალექსანდრე ბარამიძე** აცხადებს, რომ სამი პრინციპული ცვლილება განხორციელდება. პირველი ცვლილება ბავშვების იდენტიფიკირებას ეხება – „მათ უმრავლესობას არ გააჩნია საიდენტიფიკაციო დოკუმენტები, ისინი არსად არ არიან რეგისტრირებულები, შესაბამისად, არ გააჩნიათ არავითარი საბუთი. აქედან გამომდინარე, მათთვის ხელმოწმებულია მთელი რიგი სახელმწიფო პროგრამა – ჯანდაცვა, სოციალური დაცვა, განათლება და სხვ.

კანონის მეორე, ყველაზე მნიშვნელოვანი ნოვატა ის, რომ სოციალურ მუშაკს აქვს უფლებამოსილება, მიიღოს გადაწყვეტილება და, საჭიროების შემთხვევაში, ბავშვი განაცალკეოს სხვა პირისგან, ანუ ბავშვი იქნება განრიდებული მშობლისგან ან კანონიერი წარმომადგენლისგან, რომელიც მასზე კონტროლს ახორციელებს. თუმცა, ეს უკიდურესი ზომაა. კანონშიც პირდაპირ წერია, რომ ეს უკიდურესი ზომაა და მხოლოდ ბავშვის ინტერესების გათვალისწინებით იქნება გამოყენებული.

შესამდე მნიშვნელოვანი გადაწყვეტილება – როცა ბავშვს ექნება სათანადო საიდენტიფიკაციო დოკუმენტები, ის მოექცე-

ვა სოციალური დაცვის ქვეშ და ყველა სარგებელი, რომელსაც მოქმედი კანონმდებლობა ითვალისწინებს, მასზეც გავრცელდება.“

ვინ იგულისხმება „სხვა პირში“, რომელიც კანონის ჩანაწერში გვხვდება? მინისტრის მოადგილე განმარტავს, რომ „სხვა პირში“, თავისთავად, მშობელი იგულისხმება. ის, ასევე შეიძლება იყოს სხვა კანონიერი წარმომადგენელი, მაგალითად, ბავშვს როცა არ ჰყავს მშობელი, მას ჰყავს მზრუნველი პირი. შესაძლოა ეს სხვა პირი აღმოჩნდეს მართლაც გარეშე პირი, რომელიც ბავშვს ქუჩაში დგომას და მათხოვრობას აიძულებს. აი, ასეთი პირისგან იქნება ბავშვი განცალკევებული, განრიდებული.“

მიუსაფარ ბავშვებთან დაკავშირებული პრობლემები ბევრი და მრავალმხრივია – დოკუმენტაცია, განათლება, ჯანდაცვა, სახელმწიფო სერვისების ხელმისაწვდომობის არარსებობა და ა.შ. რეალურად მოაგვარებს თუ არა აღნიშნული საკანონმდებლო ცვლილებები ამ პრობლემებს? – ამ კითხვას ალაექსანდრე ბარამიძე პასუხობს, რომ რასაკვირველია მოაგვარებს, „გარკვეული მომსახურებები მიუსაფარ ბავშვებს დღემდე ისედაც მიწოდებულია ხოლმე, მაგრამ გარკვეული სახის მომსახურებები, მაგ., ჯანდაცვის ან საგანმანათლებლო პროგრამები შეიძლება მხოლოდ იმ შემთხვევაში განხორციელდეს, თუ ბავშვი რეგისტრირებულია და პირადი ნომერი აქვს. პირადობის დამადასტურებელი დოკუმენტაციის უქონლობის შემთხვევაში ასეთი პროგრამების განხორციელება უბრალოდ შეუძლებელია. აქედან გამომდინარე, შემოდის გარკვეული ვალდებულება, რომ საქართველოს ტერიტორიაზე მყოფმა ყველა ბავშვმა, საბოლოო ჯამში, მიიღოს პირადობის დამადასტურებელი დოკუმენტაცია და ეს პროგრამა თანდათანობით ყველას მიმართ განხორციელდეს. აქედან გამომდინარე, ამ პროგრამებით გათვალისწინებულ სარგებელს ყველა მიიღებს.“

რამდენად იქნება შესაძლებელი დაჩქარებული წესით დოკუმენტაციის გაცემა ან რა ვადებში მოხდება მისი გაცემა, საკითხი ძალიან მნიშვნელოვანია, რადგან ცირკულარულ შემთხვევებში, მაგალითად, სასწრაფო სამედიცინო მომსახურების საჭიროების შემთხვევაში, ეს უდიდესი მნიშვნელობის, მეტიც, სასიცოცხლო მნიშვნელობის ტოლფასია, რადგან, როგორც ირკვევა, მიუსაფარ ბავშვებს ჯანდაცვისა და სოციალური მომსახურების სერვისებით სარგებლობა, საიდენტიფიკაციო დოკუმენტაციის გარეშე, ვერ გავწევთ. მინისტრის მოადგილე აცხადებს, რომ ვადები კანონის მიხედვითაა გათვალისწინებული და საერთო წესები მოქმედებს, ეს საფასურსაც ეხება. ამ კატეგორიის ბავშვებისთვის მომსახურება უფასო იქნება, ხოლო მათივე ინტერესებიდან გამომდინარე, გადაუდებლად განსახორციელებელი პროგრამებისთვის საჭირო დოკუმენტაცია მაქსიმალურად სწრაფად გაიცემა.

გაეროს ბავშვთა ფონდის წარმომადგენელი **სამა გრუამაინი** მიიჩნევს, რომ მნიშვნელოვანი საკანონმდებლო ცვლილებები წარსულად შესაბამისაა საერთაშორისო სტანდარტებს და ბავშვის ინტერესებს ემსახურება: „აღნიშნული ცვლილებები უზრუნველყოფს, რომ ქუჩაში მყოფი ბავშვები უკეთ იყვნენ დაცული და ხელი მიუწვდებოდეთ ძირითად სოციალურ მომსახურებებზე. ამასთანავე, მნიშვნელოვანია ბავშვების ქუჩაში გასვლის პრევენცია, დაცვის ძლიერი მექანიზმების შემოშენება და ამ პროცესში სოციალური მუშაკების როლის გაძლიერებით. სოციალურ მუშაკებს მეტი უფლება უნდა ჰქონდეთ, მოახდინონ ქუჩაში მცხოვრები და მომუშავე ბავშვების დაცვა და, ოჯახური ძალადობის დროს, მოძალადე მშობლებისგან წამოყვანა“. სოცმუშაკი **ნინო რხვიაშვილი** ცვლილებას მნიშვნელოვან ნაბიჯად აფასებს და ამბობს, რომ ეს საშუალებას მისცემთ მარტივად მოუწესრიგონ ბავშვებს დოკუმენტაცია და დროულად ჩართონ როგორც საგანმანათლებლო პროცესში, ასევე საყოველთაო ჯანდაცვის პროგრამაში.

იუნისეფი მზადაა, დახმარება გაუწიოს მთავრობას სოციალური სამსახურის სისტემის და ოჯახის მხარდაჭერი მომსახურებების შემდგომ გაძლიერებაში, მთელი ქვეყნის მასშტაბით. გაეროს ბავშვთა ფონდი მჭიდროდ თანამშრომლობს მთავრობასთან, ევროკავშირთან და პარტნიორ არასამთავრობო ორგანიზაციებთან – „ვორლდ ვიჟენი“, „საქართველოს კარიტასი“ და „ბავშვი და გარემო“ – იმ სახელმწიფო მექანიზმის და მომსახურებების შესამუშავებლად, რომლებიც, ბავშვზე რუნვისა და სოციალური დაცვის უფრო ფართო სისტემების ფარგლებში, დაეხმარება ქუჩაში მცხოვრებ და მომუშავე ბავშვებს. აღნიშნული პარტნიორული ინიციატივის შედეგად, დაარსდა მომსახურებები და მექანიზმები, რომლებიც გამოავლენს ქუჩაში მცხოვრებ და მომუშავე ბავშვებს, მათ დაუყოვნებლივ დახმარებას და დაცვას შესაფერის და იმუშავებს ამ ბავშვებთან, მათ ოჯახებთან იმ მიზნით, რომ საბოლოოდ მოხდეს მათი ინტეგრაცია არსებულ სოციალურ თუ ბავშვთა დაცვის მომსახურებებში (როგორცია მინდობით აღზრდა და მცირე საოჯახო ტიპის სახლი) ან ბიოლოგიურ ოჯახებში.

ცვლილებებს დადებითად აფასებენ არასამთავრობო სექტორში. უფლებადამცველები ფიქრობენ, რომ ხარვეზებზე საუბარი მხოლოდ კანონის იმპლემენტაციის შემდეგ გახდება შესაძლებელი. როგორ შესრულდება კანონის ასალი რეგულაციები და აღმოიფხვრება თუ არა პრობლემა, ამას ქუჩაში მოსიარულეს თვალში იოლად შეამჩნევს, თუკი გზაჯვარედინებსა თუ შუქნიშნებზე, დაეცინოსა და საზოგადოების თავშეყრის ადგილებზე აღარ მდინახავთ მონყალების მისაღებად ხელგამონვილი პატარებს.



ქართული სტუდენტები უსსოთში

# რომ არა ეს ერთი წელიწადი, დღეს სულ სხვა აღაშინი ვიქნებოდა

რუმბოისის სტუდენტთა გზამკვლევი, თესალონიკის არისტოტელის უნივერსიტეტის სტუდენტი

– გურამ, საუბარი მოსწავლეობის პერიოდით დავიწყეთ. რომელ სკოლაში სწავლობდი და რამდენად წარჩინებული მოსწავლე იყავი. რა ადგილი უჭირავს შენს ცხოვრებაში სკოლაში გატარებულ წლებს, განსაზღვრა თუ არა სკოლა შენი პროფესიული მომავალი?

– დავამთავრე თბილისის 165-ე საჯარო სკოლა. რაც თავი მახსოვს, სკოლაში ყოველთვის წარჩინებულ მოსწავლედ ვითვლებოდი. ბავშვობიდანვე პასუხისმგებლობით ვეკიდებოდი სწავლას და საერთოდ, ყველა საქმეს, რასაც ვაკეთებდი. ვფიქრობ, სწორედ პასუხისმგებლობის გრძობა, უპირველეს ყოვლისა საკუთარი თავის მიმართ, არის ის ფუნდამენტური პრინციპი, რომელიც შესაძლებლობას გაძლევს მიაღწიო წარმატებას. პასუხისმგებლობა ნიშნავს თავდაუზოგავ შრომას, რომელსაც ყოველთვის მოაქვს შედეგი. ეს ბევრჯერ მაქვს საკუთარ თავზე გამოცდილი. სკოლაში გატარებულ წლებს, მართლაც რომ, დიდი ადგილი უჭირავს ჩემს ცხოვრებაში, განსაკუთრებით ბოლო 3-4 წელიწადს, რადგან სწორედ ამ წლებში იქონია უდიდესი ზეგავლენა ჩემი ცხოვრების შემდგომ ეტაპზე. ეს სწორედ ის წლები იყო, როდესაც გამიჩნდა ამბიცია დამესახა გეგმები, მემოქმედა და მიმეღწია სასურველი მიზნებისთვის. სწორედ ამ პერიოდში მივხვდი, რომ ყველაფერი ჩემ ხელთაა და ყველაფერი ჩემზეა დამოკიდებული. მანისი ყველას ეძლევა, მთავარია, მისი გამოყენება. მაღლობელი ვარ სკოლის ყველა პედაგოგის, რომლებმაც ცოდნა მომცეს. გულწრფელად ვაფასებ მათ ღვაწლს. არ შემიძლია არ აღვნიშნო ჩემი ქართულის მასწავლებელი, ქალბატონი ირინა მჭედლიძე, რომლის გამორჩეულმა გაკვეთილებმა შემაყვარა არა მხოლოდ ლიტერატურა, არამედ მასწავლა მსჯელობა, ანალიტიკური აზროვნება და სხვადასხვა საკითხის სწორად შეფასება, რაც, რა თქმა უნდა, ჩემი შემდგომი დიდი წარმატებების საწინდარი გახდა. სკოლაში უდავოდ განსაზღვრა ჩემი პროფესიული მომავალი. მართალია, სამედიცინოზე ჩაბარება პირველი კლასიდან შეიძინა გადაწყვეტილი (ჩემს ოჯახში, ტრადიციულად, ყოველთვის იყვნენ ექიმები), მაგრამ არა მგონია, სკოლაში მიღებული განათლებისა და ოჯახის ხელშეწყობის გარეშე ამ მიზნისთვის მიმეღწია.

– მე-12 კლასი ამერიკის შეერთებულ შტატებში დამთავრე. მოგვიყვი ამ გამოცდილების შესახებ. როგორია ამერიკული სკოლა, რით განსხვავდება ქართულიდან?

– ეს მართლაც გამორჩეული წელიწადი იყო ჩემს ცხოვრებაში. დარწმუნებული ვარ, ბევრი უფროსკლასელი ოცნებობს შტატებში სწავლაზე, უფრო ნაკლები იმსახურებს და, სამწუხაროდ, ალბათ, კიდევ უფრო ნაკლებს ეძლევა ამის შესაძლებლობა. თუმცა, მთავარია, რომ არსებობს ისეთი პროგრამა, როგორცაა FLEX (Future Leaders Exchange), რომელიც სრულიად სამართლიანი და გამჭვირვალე კონკურსის პრინციპით არჩევს უფროსკლასელ მოსწავლეებს მთელი საქართველოს მასშტაბით და აძლევს მათ შესაძლებლობას, უფასოდ ისწავლონ აშშ-ში და იცხოვრონ მასპინძელ ოჯახებში ერთი წლის განმავლობაში. სწორედ ამ პროგრამით ვიმყოფებოდი ამერიკაში 2010-2011 წლებში, კერძოდ, ტეხასის შტატის პატარა ქალაქ იუვალდში. ამ პროგრამაში მონაწილეობა, ზედზედ, 3 წელიწადს ვცადე და მხოლოდ მე-3 ჯერზე გავიმარჯვე. ამით იმის თქმა მიინდა, რომ არასდროს არ უნდა დანებდე, პირიქით, უფრო მეტი შემართებითა და ძალისხმევით უნდა შეეცადო და აუცილებლად მიადგინო სასურველ მიზანს. იოლად არაფერი მოდის. მთავარია, არ გაჩერდე, საბოლოოდ ყველაფერი გამოვა. ეს უბრალოდ სიტყვები როდია.

ამერიკაში Uvalde High School-ში ვსწავლობდი. მიინდა ვთქვა, რომ ამერიკული სკოლები საკმაოდ განსხვავდება ქართული სკოლებისგან. რა თქმა უნდა, მხედველობაში არ

მაქვს ინფრასტრუქტურა და სკოლის შენობის იერსახე. სასიხარულოა, რომ უკანასკნელ წლებში, ამ მხრივ, საქართველოში, ვითარება გამოსწორდა. არც იმის თქმა მიინდა, რომ ამერიკული სკოლა უკეთესია ან პირიქით. უბრალოდ, ამერიკულ სკოლაში მოსწავლეს მეტი შესაძლებლობა ეძლევა. უფროსკლასელთა სკოლა ამერიკელისთვის უფრო მეტს ნიშნავს, ვიდრე ჩვენთვის. ყველა მოსწავლე და მასწავლებელი ამყოფს საკუთარი სკოლით. სკოლას აქვს საკუთარი „მასკოტი“, მაგალითად ჩემს სკოლას – „ოუვალდის კოიოტები“. ყველა სკოლაშია დიდი ბიბლიოთეკა უამრავი წიგნით, ენციკლოპედიით, ჟურნალით, კომპიუტერებით. ხშირად შევდიოდი ხოლმე სკოლის ბიბლიოთეკაში და უამრავ საინტერესო წიგნსა თუ სტატისტიკურ მონაცემს ვხედავდი. ამერიკულ სკოლაში დიდი ყურადღება ექცევა, ასევე, სპორტს. მოსწავლეს სპორტის სახეობების ფართო არჩევანი ეძლევა. ყველა სკოლას ჰყავს საფეხბურთო გუნდი და ყოველთვის დიდი ზეიმით, როდესაც ორ სკოლას შორის იმართება თამაში. მოსწავლე თუ მასწავლებელი, ყველა სტადიონზეა. ყველა სკოლაშია, ასევე, უამრავი სხვადასხვა კლუბი, ბენდი და ა.შ. მოკლედ რომ ვთქვათ, ამერიკულ სკოლაში ვერ მოიხვეწე.

ამერიკაში ყოფნის მთელი პერიოდის განმავლობაში ვაკეთებდი პრეზენტაციებს და ვმართავდი საღამოებს საქართველოს შესახებ. სამწუხაროდ, ძალიან ცოტაა თუ იცის საქართველოს შესახებ. ვცდილობდი, მაქსიმალურად ინფორმაციული პრეზენტაციები მომეზადებინა და ამერიკელებისთვის საქართველო ყველა კუთხით გამეცნო; ეს FLEX პროგრამის ერთ-ერთ ფუნდამენტურ ღირებულებას წარმოადგენს. ჯამში, დაახლოებით, 40-მდე პრეზენტაცია გაემართე სკოლებში, კლუბებში, სხვადასხვა სოციალურ ცენტრში. აგრეთვე გამოვაქვეყნე სტატია სკოლის გაზეთში და ჩავწერე ინტერვიუ ადგილობრივ რადიოში. მოკლედ, მთელმა ქალაქმა გამიცნო. ქუჩაში ყველა მცნობდა. ამ ყველაფრისთვის მე-3 ადგილიც კი დავიკავე International Educational Week-კონკურსში, რისთვისაც საჩუქრად გადმომეცა iPod.

მიინდა მოხალისეობის შესახებაც ვისაუბრო, რომელიც აშშ-ში ასე მიღებულია. დიდი თუ პატარა, შეძლებული თუ გაჭირვებული, ყველა მოხალისეობს. მოხალისეობა მათი ცხოვრების ჩვეული სტილია. პირადად მე, იქ გატარებული მთელი დროის განმავლობაში, მოხალისეობის 200-ზე მეტი საათი დამიგროვდა, რისთვისაც პრეზიდენტ ბარაკ ობამას სამადლობლო წერილი გადმომეცა, რომელიც დიდი სიამაყით მიკიდა ოთახში. ვმოხალისეობდი სასადილოებში, სკოლის ადმინისტრაციაში, ცხოველთა თავშესაფარში და უამრავ სხვა ადგილას. მოხალისეობისას ძალიან ბევრი ადამიანი გავიცანი და ძალიან კარგი დროც გავატარე. სწორედ ეს არის მოხალისეობაში ყველაზე „მაგარი“ – სხვას ეხმარები უანგაროდ, აკეთებ სასარგებლო საქმეს და, ამავედროულად, ხალისობ. მოხალისეობას ამერიკიდან დაბრუნების შემდგომაც აქტიურად ვაგრძელებ სხვა FLEX კურსდამთავრებულებთან ერთად. მიხარია, რომ მოხალისეობა ნელ-ნელა საქართველოშიც იკიდებს ფეხს. რაც შეეხება კითხვას, თუ რა მომინოს აშშ-ში ყველაზე მეტად, მარტივად გეტყვით – ის, რომ ყველაფერი დალაგებულია, წესი ყველასთვის ერთია და ყველა თავის საქმეს აკეთებს. ვფიქრობ, სწორედ ეს არის ამ ქვეყნის წარმატების გასაღები.

– სკოლის დამთავრების შემდეგ, სწავლას აგრძელებ თბილისის სახელმწიფო სამედიცინო უნივერსიტეტში, მედიცინის ფაკულტეტზე. მიაშბე ამ პერიოდის შესახებ?

– დიახ, აშშ-დან დაბრუნების შემდეგ, იმავე ზაფხულს, ჩავაბარე ერთიანი ეროვნული გამოცდები, რის საფუძველზეც თბილისის სახელმწიფო სამედიცინო უნივერსიტეტში ჩავირიცხე მედიცინის ფაკულტეტზე. სამწუხაროდ, სახელმწიფო დაბრუნების მოპოვება ვერ მოვახერხე, ვინაიდან სწორედ 2011



წელს, ახალი ბრძანებით, ზოგიერთ მეტად პოპულარულ ფაკულტეტზე, მათ შორის სამედიცინოზეც, გაუქმდა ნაწილობრივი დაფინანსება, 100%-იანი სახელმწიფო გრანტის მოპოვება კი ვერ მოვახერხე. თუმცა, არც ესაა კატასტროფა. ამან კიდევ უფრო მოტივირებულა გამახად, მეპოვა პირადი შემოსავლის წყარო, რაც გამომივიდა კიდევ. ასე რომ, პრობლემიდან გამოსავალი ყოველთვის მოიძებნება, მთავარია, იაქტიურო და ნებისმიერი პრობლემა დაძლევადა.

ამჟამად მე-5 კურსზე ვსწავლობ. რაც შეეხება უნივერსიტეტში გატარებულ წლებს, ორიგინალური ვერ ვიქნები და ბანალურად ვიტყვი, სტუდენტობა მართლაც რომ ერთ-ერთი საუკეთესო პერიოდი. სამედიცინოზე ჩაბარება ბავშვობიდანვე მქონდა გადაწყვეტილი და ეს სურვილი რეალობად ვაქციე. გულწრფელად თბილი გრძობა მაკავშირებს ჩემს უნივერსიტეტთან. კმაყოფილი ვარ ჯგუფელებით, ლექტორებით, მეცადინეობებით. მიმართა, რომ ჩემს უნივერსიტეტში საკმაოდ ხარისხიან განათლებას ვიღებ და რეალურად წინ მივინევი კარიერულ გზაზე. მიინდა, დიდი მადლობა გადავუხადო თსუ-ს თითოეულ ლექტორს და მთელ პერსონალს, რომელთა წყალობით ეს შესაძლებლობა მეძლევა. ზოგადად, სამედიცინოზე სწავლა რთულია, მით უმეტეს, თუ კარგად სწავლობ. სიმართლე ის, რომ თავისუფალი დრო საკმაოდ ლიმიტირებული გაქვს და ხშირად გინევს ლამის თენება საგამოცდო პერიოდში. თუმცა, სამედიცინოს სტუდენტიც ახერხებ გართობას. ამის გარეშე სტუდენტობა ხომ წარმოუდგენელია.

– სასწავლებლად კვლავ საზღვარგარეთ წახვედი. ამჟამად რა პროგრამით გაემგზავრე და რომელ უნივერსიტეტში აგრძელებ სწავლას?

– დიახ, ამჟამად ვიმყოფები საბერძნეთში, ქალაქ თესალონიკში, სადაც, ერთი სემესტრის განმავლობაში საბერძნეთის ყველაზე დიდ – თესალონიკის არისტოტელეს უნივერსიტეტში ვისწავლი. აქ ევროკავშირის პროგრამის Erasmus Mundus MEDEA ფარგლებში ვიმყოფები. საკმაოდ პოპულარული გაცვლითი პროგრამაა მთელ მსოფლიოში, რომელიც სრულად ფინანსდება ევროკომისიის მიერ და საშუალებას აძლევს ნებისმიერი ფაკულტეტის სტუდენტს, გარკვეული დროის განმავლობაში, ისწავლოს ევროპის სხვადასხვა ქვეყნის წამყვან უმაღლეს სასწავლებლებში და უზარმაზარი ცხოვრებისეული გამოცდილება მიიღოს. ამაყი ვარ, რომ წელს გამარჯვებულთა შორის მოვხვდი და Erasmus-ის დიდი ოჯახის სრულუფლებიანი წევრი გახვდი.

– რა წესით გამოიყოფა სტიპენდიები და გრანტები უცხოელი სტუდენტებისთვის, რა პრივილეგიებით სარგებლობენ წარჩინებული სტუდენტები, არის თუ არა მათთვის რაიმე შეღავათები და ნაწილობრივ მაინც აკმაყოფილებს თუ არა სტიპენდია სტუდენტის მოთხოვნებს?

– Erasmus-ში გამარჯვება საკმაოდ რთულია და დიდ ძალისხმევასა და მოტივირებულობას მოითხოვს. გარემო საკმაოდ კონკურენტულია, რადგან მსურველი ბევრია, ადგილების რაოდენობა კი შეზღუდულია. ამ პროგრამის შესახებ რამდენიმე წელია შევითყვე. ბევრი ჩემი მეგობარი წასულა ან ახლა იმყოფება ამავე პროგრამით ევროპის სხვადასხვა ქვეყანაში. მონაწილეობის მისაღებად საჭიროა კარგი აკადემიური მოსწრება, მდიდარი რეზიუმე, სარეკომენდაციო წერილები პროფესორებისგან, სამოტივაციო წერილი და, ზოგჯერ, ინგლისურის საერთაშორისო სერტიფიკატიც. მოკლედ, აგზავნი აპლიკაციას და ევროპაში დამოუკიდებელი კომისია, მშობლიურ უნივერსიტეტთან ერთად, იღებს გადაწყვეტილებას გრანტის გამოყოფასთან დაკავშირებით. გრანტი სრულად ფარავს ყველა ხარჯს – კერძოდ მგზავრობას, სწავლას და ჯანმრთელობის დაზღვევას. სტუდენტი, ასევე ყოველთვიურად, იღებს სტიპენდიას, რაც სრულად აკმაყოფილებს მის ყველა მოთხოვნას. კონკრეტულად აქ, ჩემს უნივერსიტეტში, ესარგებლობ ყველა იმ პრივილეგიით, რითაც ადგილობრივი სტუდენტი, მაგალითად, საზოგადოებრივი ტრანსპორტით განახევრებულ ფასად ვმგზავრობ, ნებისმიერ მუზეუმში სრულიად უფასოდ მაქვს შესვლის უფლება, უნივერსიტეტის სასადილო 3-ჯერად უფასო კვებას უზრუნველყოფს. ასე რომ, პრობლემა მართლაც ძალიან კარგია.

– მიაშბე შენი სამუშაო გამოცდილების და მიღწევების შესახებ. სწავლის პარალელურად, ამჟამად რა საქმიანობას ეწევი?

– აშშ-დან დაბრუნების შემდეგ სურვილი მქონდა, გარკვეულწილად, დამოუკიდებელი ცხოვრების სტილი შეემნარჩუნებინა და ჩემი პირადი შემოსავალი მქონოდა. გარდა ამისა, დაინტერესებული ვიყავი ახალი გამოცდილების მიღებით. სწორედ ამიტომ გადავწყვიტე მეპოვა რაიმე საქმე, რისი კეთებაც მესიამოვნებოდა და, იმავედროულად, თავსებადი იქნებოდა სამედიცინოზე სწავლასთან. ასე რომ, უკვე 4 წელია, ინგლისური ენის კერძო რეპეტიტორად ვმუშაობ. ამ საქმის კეთება ძალიან მსიამოვნებს, თუმცა, ვფიქრობ, დროა ახალი გამოწვევებისთვის.

– რას მიიჩნევ ყველაზე დიდ წარმატებად, რაც აქამდე გქონია?



ინფორმაცია

ახალი ინფრასტრუქტურული პროექტი თბილისის სკოლებსთვის

დაუფიქრებლად შემოიღო ვიქტორია, რომ ყველაზე დიდ ნაშრომად აშშ-ში გატარებულ პერიოდს მივიჩნევ. იმ ერთი მარტივი მიზეზით, რომ ამ ერთმა წელიწადმა რადიკალურად შეცვალა ჩემი ცხოვრების მიმართულე...

სად და როგორ ატარებ თავისუფალ დროს? მიაბე, როგორ ცხოვრობენ ბერძენი ახალგაზრდები, რა არის მათთვის პრიორიტეტული, როგორია ბერძნული სტუდენტური ცხოვრება?

თავისუფალ დროს ბერძენ მეგობრებთან ან სხვა „ერასმუსელებთან“ ერთად ვატარებ. თესალონიკი საკმაოდ დიდი ქალაქია და აქ გართობის მრავალი საშუალებაა: კინო, კაფე-ბარები, ბოლინგი, მუზეუმები. გარდა ამისა, ხშირად ეწყობა ექსკურსიები საბერძნეთის სხვადასხვა ღირსშესანიშნავი ადგილების დასათვალიერებლად. შთაბეჭდილება საკუთარი თვალთი იხილო ისეთი გასაოცარი ადგილები, როგორებიცაა მეტეორა და აკროპოლისი. ვერ ვიტყვი, რომ ბერძნული სტუდენტური ცხოვრება დიდად განსხვავდება ქართულისგან. ახალგაზრდების პრიორიტეტი აქ განათლება, გართობა და ყავის სმვა. ეს უკანასკნელი ხუმრობით, რა თქმა უნდა.

როგორ გესახება მომავალი, სად აპირებ დამკვიდრებას? როგორ ფიქრობ, საზღვარგარეთ მიღებული განათლება საქართველოში დასაქმებაში ითამაშებს თუ არა გადამწყვეტ როლს?

ჯერჯერობით, არ მაქვს გადამწყვეტილი მომავალი სად და როგორ ვიქნები და კონკრეტულად რას ვაკეთებ. ამ ეტაპზე, რადიკალურად მაქვს გადამწყვეტილი, რისთვისაც ბაკალავრიატის დამთავრების შემდეგ კიდევ 3 წელიწადი უნდა ვისწავლო რეზიდენტურაში. არ გამოვიცხავ კვლავ საზღვარგარეთ წასვლას, თუკი ამის შესაძლებლობა მომეცემა. არ ვფიქრობ, რომ საზღვარგარეთ მიღებული განათლება გადამწყვეტ როლს ითამაშებს საქართველოში დასაქმების კუთხით, რადგან საზღვარგარეთ მიღებული განათლება არანაირად არ ნიშნავს, გარანტირებულად, უმაღლესი ცოდნის დონეს. ყველაფერი კონკრეტულად ადამიანზე დამოკიდებული და მის უნარზე გამოავლინოს საკუთარი შესაძლებლობები.

დაბოლოს, როცა ადამიანი საზღვარგარეთ ცხოვრობს, მეს და ღრმად ფიქრობს სამშობლოზე. საზღვარგარეთ გატარებულ მცირე პერიოდშიც კი სხვანაირად აფასებ საკუთარ ღირებულებებს. როგორ ფიქრობ, მიგვიღებს ევროპა ისეთებს, როგორებიც ვართ თუ ძალიან ბევრი რამის გადახედვა და გადაფასება მოგვიწევს? რა არის შენთვის ყველაზე მნიშვნელოვანი და ღირებული, რაც აშშ-ში და ევროპაში გატარებულმა პერიოდმა მოგცა?

ამის დიდი გამოცდილება მაქვს და გეთანხმებით, რომ საზღვარგარეთ ცხოვრებისას ბევრ რამეს სრულიად სხვა კუთხით ხედავ და ბევრ ისეთ რამეს აფასებ, რაზედაც საქართველოში ყოფნისას არც კი ფიქრობ. საშუალება გეძლევა, შენში აღმოაჩინო ის ნამდვილი გრძნობა, რასაც სამშობლოს სიყვარული ჰქვია. ვფიქრობ, ევროპის დიდ ოჯახში ჯერ კიდევ არყოფნის ერთადერთი მიზეზი მხოლოდ პოლიტიკურია, თორემ სხვა კუთხით თავისუფლად შემოიღო ვიქტორია, რომ ევროპელები ვართ. დიდი მნიშვნელობა არ აქვს ჩვენს არაპუნქტუალობას, არც საბერძნეთში იწყება ყველაფერი თავის დროზე. მთავარია, ჩვენი და ევროპის ღირებულებები, რომლებიც ასე მსგავსია. ერთადერთი, ვისურვებდი, საქართველოში აზრის გამოხატვის თავისუფლება უფრო მეტად იყოს დაცული და თითოეულმა ადამიანმა ისწავლოს სხვისი, თუნდაც განსხვავებული აზრის პატივისცემა. სწორედ ესაა ის უნარი, რომელიც აშშ-ში და ევროპაში გატარებულმა პერიოდმა შემოიღო.

ევროპის საბჭოს განვითარების ბანკის ფინანსური დახმარებით, თბილისის საჯარო სკოლების რეკონსტრუქცია-გამაგრება და ამ სეგმენტის ინფრასტრუქტურაში ენერგოეფექტურობის ზრდა იგეგმება. პროექტთან დაკავშირებული ფინანსური და ტექნიკური დეტალები საქართველოს განათლებისა და მეცნიერების მინისტრმა თამარ სანიკიძემ და ფინანსთა მინისტრის მოადგილემ დავით ლეჟავამ ევროპის საბჭოს განვითარების ბანკის მრჩეველებთან ერთად განიხილეს.

პროექტი, რომელიც საქართველოს განათლებისა და მეცნიერების სამინისტრომ შეიმუშავა, მიზნად ისახავს როგორც სასწავლო გარემოსა და სკოლის მოსწავლეთა უსაფრთხოების გაუმჯობესებას, ასევე, ხარჯების შემცირების მიზნით, ენერგოეფექტურობის მნიშვნელოვან გაუმჯობესებას.

პროექტის ღირებულება, დაახლოებით, 22 მილიონ ევროს შეადგენს, საიდანაც: 14 მილიონ ევროს, შეღავათიანი სესხის სახით, ევროპის საბჭოს განვითარების ბანკი გამოყოფს; აღმოსავლეთ ევროპის ენერგოეფექტურობის და გარემოსდაცვითი თანამშრომლობის ფონდიდან (E5P), გრანტის სახით, გამოიყო 6 მილიონი ევრო. პროექტით, ასევე, გათვალისწინებულია ქართული მხარის თანამონაწილეობა არაფულადი ფორმით (2 მილიონი ევრო). მალე საქართველოში ჩამოვა საერთაშორისო კომპანია, რომელიც საბოლოოდ შეაფასებს პროექტს, რის შემდეგაც სკოლების რეაბილიტაციის პროცესი დაიწყება.

თამარ სანიკიძე: „სასკოლო ინფრასტრუქტურა და მისი გაუმჯობესება ჩვენი ერთ-ერთი პრიორიტეტია. ამ მიმართულებით, ბოლო რამდენიმე წელიწადში, ინტენსიურად მიდის მუშაობა. რეგიონში ეს პრობლემები გადაჭრადა, იქ ფუნდამენტური სარეაბილიტაციო სამუშაოები, წლის ბოლომდე, ყველგან დასრულდება. დედაქალაქი ისევ გამოწვევად რჩება, რისთვისაც ფინანსთა სამინისტრომ გვიშეამდგომლა და, სესხი, რომელსაც თან მოსდევს გარკვეული ოდენობის გრანტი, მთლიანად დედაქალაქის სკოლების მშენებლობას მიხმარდება. მიმდინარეობს სესხის დამტკიცების პროცედურები, რომელიც, გონია, რომ ვაზაფხულზე დასრულდება. ვაფხულში ჩვენ შეეძლება, რომ საპილოტე სკოლებში დავიწყეთ მუშაობა.“

დავით ლეჟავა, ფინანსთა მინისტრის მოადგილე: „ევროპის საბჭოს განვითარების ბანკი, საქართველოში სკოლების რეაბილიტაციისათვის, შეღავათიან კრედიტს გამოყოფს. ამ კრედიტთან ერთად, ე.წ. E5P, აღმოსავლეთ ევროპის გარემოსდაცვითი და ენერგოეფექტურობის პროგრამა, გამოყოფს 6 მილიონი ევროს ოდენობით გრანტს, რომელიც იმავე პროექტს მოხმარდება.“

საქართველოს შემსწავლელი კოსტადოქტორო პროგრამა ოქსფორდში

ლონდონში სამუშაო ვიზიტის ფარგლებში, საქართველოს განათლებისა და მეცნიერების მინისტრმა თამარ სანიკიძემ ოქსფორდის უნივერსიტეტის პროფესორებთან გამართა შეხვედრა. შეხვედრის თემა იყო, ერთობლივი პროექტის ფარგლებში, თანამშრომლობის დეტალებისა და სამომავლო გეგმების განხილვა. საუბარია საქართველოს შემსწავლელ კოსტადოქტორო პროგრამაზე, რომელიც საქართველოს კვლევების მიმართულებით მომუშავე ქართველ დოქტორანტებსა და ახალგაზრდა მეცნიერებს გაუმარტივებს კვლევით ვიზიტებს ოქსფორდის უნივერსიტეტში.

ზემოაღნიშნული პროექტი სამინისტროს შოთა რუსთაველის ეროვნული სამეცნიერო ფონდის მიერ ხორციელდება. პროგრამა

უკვე გამოქვეყნებულია ოქსფორდის უნივერსიტეტის ოფიციალურ ვებგვერდზე. მნიშვნელოვანია აღინიშნოს, რომ საქართველოს განათლებისა და მეცნიერების მინისტრის გადაწყვეტილებით, სამინისტრო ქართველოლოგიური მეცნიერებების ე.წ. „Georgian Studies“ განვითარებას მხარს დაუჭერს არა მხოლოდ საქართველოში, არამედ მის საზღვრებს გარეთაც, რისთვისაც 2015 წელს შოთა რუსთაველის ეროვნულ სამეცნიერო ფონდში შესაბამისი სპეციალური პროგრამა დამტკიცდა.

ოქსფორდში გამართულ შეხვედრაზე საუბარი შეეხო, აგრეთვე, მომავალ თანამშრომლობას საქართველოს ხელნაწერთა ეროვნულ ცენტრსა და ეროვნულ სამეცნიერო ბიბლიოთეკასთან, ქართული ხელნაწერების საარქივო ფონდების დიგიტალიზაციის პერსპექტივებს, ერთობლივი გამოფენებისა და კონფერენციების ორგანიზებას.

თამარ სანიკიძე: „ვფიქრობ, ძალიან მნიშვნელოვანი გადაწყვეტილება მივიღეთ 2015 წლის ბოლოს. წელს ოქსფორდის უნივერსიტეტში უკვე დაიწყება პროგრამა, რომლის ფარგლებშიც, ჩვენ მხარს დავუჭერთ ქართველოლოგიური კვლევისა და მეცნიერებების განვითარებას. ამისათვის შოთა რუსთაველის ფონდიდან გამოყოფილია დაფინანსება და ოქსფორდში უკვე ელოდებიან ახალგაზრდა მკვლევრებს, ვისთან ერთადაც დაიწყება პროგრამაზე მუშაობა, რომელიც გამოქვეყნებულია ოქსფორდის უნივერსიტეტის ვებგვერდზე.“

ნილ მაკფიფერლინი, ოქსფორდის უნივერსიტეტის საერთაშორისო ურთიერთობების პროფესორი: „მოხარული ვართ საქართველოს განათლებისა და მეცნიერების სამინისტროს დელეგაციის ვიზიტით. ხანგრძლივი და ნაყოფიერი შეხვედრა გექონდა. ეს არის საქართველოს შემსწავლელი პოსტადოქტორო პროგრამის დასაწყისი აქ, ოქსფორდის უნივერსიტეტში. შეხვედრის ფარგლებში, განვიხილეთ მომავალი თანამშრომლობის შესაძლებლობები, საქართველოს შემსწავლელი პროგრამის კუთხით. ძალიან მრავალსიმომცველი საუბარი იყო. მიმოვიხილეთ თანამშრომლობის და კოორდინაციის შესაძლებლობა საქართველოს ხელნაწერთა ინსტიტუტთან და ეროვნულ ბიბლიოთეკასთან, ასევე, ერთობლივი გამოფენების, ხელნაწერების დიგიტალიზაციის პერსპექტივები, რაც შესაძლებელი გახდება ერთობლივი ძალისხმევით. განვიხილეთ დოქტორანტურის პროგრამების, გაერთიანებული კონფერენციების ორგანიზების შესაძლებლობები. ძალიან კმაყოფილი ვართ ამ შეხვედრით, რომელიც მნიშვნელოვან პერსპექტივას ქმნის როგორც ჩვენითვის, ოქსფორდში, ასევე საქართველოს ეროვნული სამეცნიერო ფონდისთვის.“

შეხვედრა გურჯაანის სკოლების მასწავლებლებთან

საქართველოს განათლებისა და მეცნიერების მინისტრის მოადგილე, ლია გიგაური გურჯაანის მუნიციპალიტეტის საჯარო სკოლების მასწავლებლებს შეხვდა. შეხვედრას, ასევე, ესწრებოდნენ: საქართველოს პარლამენტის განათლების კომიტეტის წევრი ნუკრი ქანთარია, ადგილობრივი თვითმმართველობის წარმომადგენლები და მასწავლებელთა პროფესიული განვითარების ეროვნული ცენტრის დირექტორი გიორგი მაჩაბელი.

შეხვედრაზე ლია გიგაურმა მოკლედ ისაუბრა განათლების სისტემაში არსებულ სიახლეებზე და ძირითადი დრო იმ თემებს დაუთმო, რასთან დაკავშირებითაც მასწავლებლებს შეკითხვები ჰქონდათ. ყველაზე მეტი შეკითხვა მასწავლებელთა პროფესიული განვითარებისა და კარიერული წინსვლის სქემასთან დაკავშირებით დაისვა, რაზეც მინისტრის მოადგილემ და მასწავლებელთა პროფესიული განვითარების ეროვნული ცენტრის წარმომადგენელმა ამომწურავი პასუხები გასცეს.

ლია გიგაური: „მასწავლებელთა პროფესიული განვითარებისა და კარიერული ზრდის სქემა დანერგვის აქტიურ ფაზაში შევიდა. მასწავლებლებს უკვე გარკვეულ აქტივობებში ჩართვა მოეთხოვებათ, ამიტომ ძალიან დიდი მნიშვნელობა აქვს რეგიონებში ჩასვლას, მასწავლებელთა კორპუსთან შეხვედრას და ამ აქტივობების დროს წარმოჩენილი სხვადასხვა კითხვების თუ რეკომენდაციების მოსმენას. შევეცადეთ, ყველა შეკითხვაზე ამომწურავი პასუხი გავცეთ. მასწავლებლებს სრული ინფორმაცია აქვთ მომავალ აქტივობებთან დაკავშირებით. რაც მთავარია, შევთანხმდით თანამშრომლობის ფორმებზე, რომელიც სქემის სრულ დასრულებამდე გავრცელდება.“

ნუკრი ქანთარია, საქართველოს პარლამენტის წევრი: „კანონში „ზოგადი განათლების შესახებ“ თერთმეტამდე ცვლილება შეტანილი, ზოგიერთი არსობრივი ცვლილებაა. სწორედ ეს იყო საინტერესო – რამდენად მუშაობს ჩვენ მიერ მიღებული კანონი. განათლების სამინისტროს წარმომადგენლებთან ერთად შეხვედრით შედეგებს, სკოლის დირექტორებს. ჩემთვის საინტერესო იყო, ასევე, ინფრასტრუქტურის თვალსაზრისით, რა მდგომარეობაა. მგონია, რომ საკმაოდ საინტერესო საუბარი შედგა. რა თქმა უნდა, მხოლოდ გურჯაანით არ შემოვიფარგლებით, შეხვედრებს მთელი საქართველოს მასშტაბით გავავრცელებთ და ბოლოს სათანადო დასკვნებსაც გავაკეთებთ.“

მაია დლივაშვილი, კარდენახის საჯარო სკოლის დირექტორი: „დღევანდელი შეხვედრა ძალიან მნიშვნელოვანი იყო აქ დამსწრე მასწავლებლებისთვის, როგორც დირექტორებისთვის, ასევე პედაგოგებისთვის. ამომწურავი ინფორმაცია მივიღეთ მასწავლებელთა პროფესიული განვითარებისა და კარიერული ზრდის სქემასთან დაკავშირებით. ძალიან უშუალო და მეგობრული გარემო იყო, რისთვისაც დიდი მადლობა ჩვენს სტუმრებს.“



www.mes.gov.ge

ესაუბრა მაია ყიფიანი



მათემატიკის კვლავობა დასახარებლად

პროპორციული სიდიდეები

თემა: პროპორციული სიდიდეები ნაწილობითი და პროცენტული გამოსახვის დროს.

მიზანი: შესწავლილი მასალის „პროპორციული სიდიდეების“ დაკავშირება ძველ საკითხთან - „რიცხვის ნაწილი და პროცენტი“ და გამოყენება ამოცანების ამოხსნაში ცოდნის განსამტკიცებლად.

თემის მოკლე მიმოხილვა: სიდიდე, რიცხობრივი მოცემულობის გარდა, შეიძლება წარმოდგენილი იყოს ნაწილობით ან პროცენტულად. ამ მხრივ საინტერესოა, როგორ გამოიყურება პროპორციული სიდიდეების თვისება მათი ნაწილობითი ან პროცენტული გამოსახვის დროს, როგორ იცვლება ერთი სიდიდე, როცა მეორე იცვლება ნაწილობით ან პროცენტით. პროპორციული სიდიდეები დანახულია უფრო მეტი თვალსაზრისით და გვეხმარება ფიზიკის, ქიმიის და მათემატიკის ამოცანების უკეთ გაგებაში.

I. პროპორციული სიდიდეების განხილვა, რიცხობრივი მოცემულობის დროს

ა) ორ x და y სიდიდეს ჰქვია პროპორციული, თუ ერთი მათგანი მეორისგან მოიცემა მუდმივ K რიცხვზე გამრავლებით: y = kx

სხვანაირად, ბ) ორ სიდიდეს ჰქვია პროპორციული, თუ მათი შეფარდება მუდმივი რიცხვია: y/x = k = const.

პროპორციული სიდიდეების მაგალითებია: S - მანძილი და t - დრო, m - მასა და V - მოცულობა, F - ძალა და a - აჩქარება, A - მუშაობა და t - დრო, მუდმივი კონცენტრაციის ორი ნივთიერების მასები და სხვ.

გ) პროპორციული სიდიდეების თვისება: ერთი სიდიდის ორი მნიშვნელობის შეფარდება უდრის მეორე სიდიდის შესაბამისი ორი მნიშვნელობის შეფარდებას: x2/x1 = y2/y1

სხვანაირად, რამდენჯერაც იზრდება ან მცირდება ერთი სიდიდე, შესაბამისად იზრდება ან მცირდება მეორე სიდიდე.

დ) ტოლ ფარდობათა თვისება: ვთქვათ X ცვლადის მნიშვნელობებია x1, x2, ..., xn, ხოლო y1, y2, ..., yn - Y ცვლადის მნიშვნელობები. პროპორციული სიდიდეების განმარტების თანახმად:

y1/x1 = y2/x2 = y3/x3 = ... = yn/xn = k

გამომდინარე აქედან, სამართლიანია ტოლობა:

(y1 + y2 + y3 + ... + yn) / (x1 + x2 + x3 + ... + xn) = k

ტოლობა ადვილად დამტკიცდება, თუ გავითვალისწინებთ, რომ yi = kxi. შევნიშნოთ, რომ ტოლობას აქვს შემდეგი ფიზიკური თუ ქიმიური ახსნა:

მაგალითი 1. თუ v მუდმივი სიჩქარით მოძრაობს სხეულმა t1, t2, ..., tn დროში გაიარა S1, S2, ..., Sn მანძილები, მაშინ თითოეულ უბანზე სიჩქარე იქნება ერთნაირი

S1/t1 = S2/t2 = ... = Sn/tn = v

იგივე იქნება სიჩქარე მთლიან გზაზეც:

(S1 + S2 + S3 + ... + Sn) / (t1 + t2 + t3 + ... + tn) = v

მაგალითი 2. ვთქვათ, ერთგვაროვანი ნივთიერებების მასაა m, ხოლო მოცულობა - V. თუ მოცემულ სხეულს დავყოფთ m1, m2, ..., mn მასის ნაწილებად, რომელთა მოცულობებია V1, V2, ..., Vn, მაშინ თითოეული ნაწილის სიმკვრივე და მთლიანი სხეულის სიმკვრივე იქნება ერთნაირი, ანუ

m1/V1 = m2/V2 = ... = mn/Vn = (m1 + m2 + ... + mn) / (V1 + V2 + ... + Vn) = ρ

მაგალითი 3. თუ t1, t2, ..., tn სრულდება A1, A2, ..., An სამუშაო, ისე რომ მუშაობის ტემპი არის ერთნაირი, მაშინ მთლიანი დროის განმავლობაში შესრულებული მუშაობის ტემპიც იგივე იქნება, ანუ

A1/t1 = A2/t2 = ... = An/tn = (A1 + A2 + ... + An) / (t1 + t2 + ... + tn) = N

სადაც N მუშაობის ტემპია, ანუ სიმძლავრე.

მაგალითი 4. თუ ერთნაირი კონცენტრაციის სხვადასხვა ზომის ხსნარებს შევურევთ ერთმანეთს, რომელშიც ერთნაირი ნივთიერებებია, მაშინ მიღებული ხსნარის კონცენტრაცია იგივე იქნება, ანუ

m1/M1 = m2/M2 = ... = mn/Mn = (m1 + m2 + ... + mn) / (M1 + M2 + ... + Mn)

სადაც mi ერთი ნივთიერების მასაა, ხოლო Mi - მეორე ნივთიერების მასა.

ამრიგად, მოყვანილი მაგალითები თვალსაჩინოს ხდის ტოლ ფარდობათა თვისებას.

ე) პროპორციული სიდიდეების ცვლილება. ტოლ ფარდობათა თვისებიდან გამომდინარეობს პროპორციული სიდიდეების ცვლილების თვისება:

თუ X ცვლადის x1 მნიშვნელობა გაიზრდება Δx-ით, მაშინ y ცვლადის შესაბამისი y1 მნიშვნელობა გაიზრდება Δy-ით, სადაც Δy = kΔx. მართლაც

y1/x1 = Δy/Δx = k => (y1 + Δy)/(x1 + Δx) = k

იგივე სამართლიანია Δx-ით შემცირების დროსაც.

თუ y1/x1 = (-Δy)/(-Δx) = k, მაშინ (y1 - Δy)/(x1 - Δx) = k.

ამ თვისების ფიზიკური ახსნა მდგომარეობს შემდეგ მაგალითებში:

მაგალითი 1. თუ, v მუდმივი სიჩქარით მოძრაობს სხეულის მოძრაობის დრო გაიზრდება Δt-ით, მაშინ მის მიერ გავლილი მანძილი გაიზრდება ΔS = vΔt-ით.

მაგალითი 2. თუ ერთგვაროვანი ρ სიმკვრივის ნივთიერების მოცულობა გაიზრდება ΔV-ით, მაშინ მისი მასა გაიზრდება Δm = ρΔV-ით.

მაგალითი 3. ერთნაირ ტემპში მუშაობისას დროის Δt ცვლილება იწვევს მუშაობის ΔA = NΔt-ით ცვლილებას, სადაც N - მუშაობის სიმძლავრეა.

ამრიგად, ერთი სიდიდის ცვლილება წარმოადგენს გვიქმნის მეორე სიდიდის ცვლილებასაც.

შევნიშნოთ, რომ მსგავსი კანონზომიერება უკუპროპორციულ სიდიდეებში დარღვეულია, ერთი სიდიდის ცვლილებით ვერ ვადგენთ მეორის ცვლილებას.

II. პროპორციული სიდიდეების ნაწილობითი და პროცენტული განხილვა.

ვთქვათ x0 და y0-ით, შესაბამისად, X და Y ცვლადის მნიშვნელობებია დაფიქსირებული - y0 = kx0, ხოლო x1 და y1 არის X და Y ცვლადის ნებისმიერი მნიშვნელობები, მაშინ სამართლიანია ტოლობა: x1/x0 = y1/y0

შევნიშნოთ, რომ x1/x0 და y1/y0 შეფარდებები გვიჩვენებს X და Y სიდიდის რიცხვითი მნიშვნელობების ნაწილობით გამოსახვას. თუ აღვნიშნავთ α = x1/x0 და β = y1/y0, მაშინ α = β.

თუ რიცხვითი მნიშვნელობების ნაწილობითი წარმოდგენები ტოლია, პროცენტული წარმოდგენებიც ტოლი იქნება.

ამრიგად, მივიღეთ შემდეგი შედეგი:

პროპორციული სიდიდეების ნაწილობითი ან პროცენტული წარმოდგენები ტოლია. ეს კი შემდეგი დასკვნების გაკეთების საშუალებას გვაძლევს:

- 1. მოცემული დროის α ნაწილში სხეული გაივლის შესაბამისი მანძილის α ნაწილს. მოცემული დროის m%-ში სხეული გაივლის შესაბამისი მანძილის m%-ს.
2. მოცულობის α ნაწილში ჩავა მთლიანი მასის α ნაწილი. მოცულობის m%-ში ჩავა მთლიანი მასის m%.
3. მოცემული დროის α ნაწილში შესრულდება მოცემული სამუშაოს α ნაწილი. მოცემული დროის m%-ში შესრულდება მოცემული სამუშაოს m%.

პროპორციული სიდიდეების თვისება ნაწილობითი და პროცენტული გამოსახვის დროს

ვთქვათ, α1 და α2 X ცვლადის x1 და x2 რიცხვითი მნიშვნელობების ნაწილობითი წარმოდგენებია, x0 რიცხვითი მნიშვნელობებთან მიმართებაში. ე.ი. α1 = x1/x0, α2 = x2/x0 ხოლო, β1 და β2 Y ცვლადის y1 და y2 რიცხვითი მნიშვნელობების ნაწილობითი წარმოდგენებია, y0 რიცხვითი

მნიშვნელობასთან მიმართებაში. ე.ი. β1 = y1/y0, β2 = y2/y0 ადვილი დასადასტურებელია, რომ α2/α1 = x2/x1 და β2/β1 = y2/y1, ამასთან α1 = β1 და α2 = β2. რადგან x2/x1 = y2/y1, ამიტომ

α2/α1 = x2/x1 = y2/y1 = β2/β1.

ამრიგად, პროპორციული სიდიდეების თვისებამ მიიღო უფრო ზოგადი სახე:

ერთი სიდიდის ორი მნიშვნელობის შეფარდება, რიცხობრივად ან ნაწილობით მოცემული, უდრის მეორე სიდიდის ორი მნიშვნელობის შეფარდებას რიცხობრივად ან ნაწილობით მოცემულს.

ანუ რამდენჯერაც იზრდება ან მცირდება ერთი სიდიდე ნაწილობით მოცემული, იმდენჯერ იზრდება ან მცირდება მეორე სიდიდე რიცხობრივად მოცემული.

α2/α1 = y2/y1 ან x2/x1 = β2/β1

მიღებული შედეგი სამართლიანია, როცა სიდიდეების მნიშვნელობები მოცემულია პროცენტულად:

რამდენჯერაც იზრდება ან მცირდება ერთი სიდიდე პროცენტულად მოცემული, იმდენჯერ იზრდება ან მცირდება მეორე სიდიდე რიცხობრივად მოცემული

m2%/m1% = y2/y1 ან x2/x1 = n2%/n1%

მიღებული შედეგი შეიძლება გავითვალისწინოთ ამოცანის ამოხსნისას, როცა ერთი სიდიდე მოცემულია ნაწილობით ან პროცენტულად, ხოლო მეორე რიცხობრივად.

მაგალითად:

- 1) t-დრო მოცემულია ნაწილობით ან პროცენტულად, ხოლო S-მანძილი - რიცხობრივად.
2) V-მოცულობა მოცემულია ნაწილობით ან პროცენტულად, ხოლო m-მასა - რიცხობრივად.
3) A- მუშაობა მოცემულია ნაწილობით ან პროცენტულად, ხოლო t-დრო - რიცხობრივად.

პროპორციული სიდიდეების ნაწილობითი ან პროცენტული ცვლილება

ვთქვათ x1 და y1 არის X და Y ცვლადის რიცხობრივი მნიშვნელობები. საინტერესოა, რა მოხდის ერთ სიდიდეს, როცა მეორე იცვლება α ნაწილით.

დავუშვათ, X ცვლადის x1 მნიშვნელობა გაიზარდა α ნაწილით, როგორ შეიცვლება ამ დროს Y ცვლადის y1 მნიშვნელობა? α ნაწილით გაზრდა ნიშნავს: x2 = x1 + αx1.

Y ცვლადის y2 მნიშვნელობა გახდება

y2 = kx2 = k(x1 + αx1) = kx1 + kαx1.

Y ცვლადის რიცხობრივი ცვლილება იქნება:

y2 - y1 = (kx1 + kαx1) - kx1 = kαx1.

თუ ამ ცვლილებას გამოვსახავთ ნაწილობით, გვექნება:

(y2 - y1)/y1 = kαx1/(kx1) = α.

ე.ი. თუ X სიდიდე იზრდება α ნაწილით, Y სიდიდეც გაიზრდება α ნაწილით. ცვლილების კანონზომიერება სამართლიანია α ნაწილით შემცირების დროსაც.

x2 = x1 - αx1; y2 = ky2 = k(x1 - αx1) = kx1 - kαx1.

Y ცვლადის რიცხობრივი ცვლილება იქნება

y1 - y2 = kx1 - (kx1 - kαx1) = kαx1.

ხოლო ნაწილობითი ცვლილება:

(y1 - y2)/y1 = αkx1/kx1 = α.

ამრიგად, მივიღეთ შემდეგი შედეგი: პროპორციული სიდიდეების დროს, თუ ერთი სიდიდე იზრდება ან მცირდება ნაწილით, მეორე სიდიდეც იზრდება ან მცირდება α ნაწილით.

რადგან პროცენტი ნაწილის კერძო შემთხვევაა, შედეგი სამართლიანია პროცენტული ცვლილების დროსაც: ერთი სიდიდის p%-ით ცვლილება იწვევს მეორე სიდიდის p%-ით ცვლილებას. მიღებული შედეგის ფიზიკური ახსნა მდგომარეობს შემდეგში:

მაგალითი 1. მოცულობის α ნაწილით (ან p%) ცვლილება იწვევს მასის α ნაწილით (ან p%) ცვლილებას.

მაგალითი 2. დროის α ნაწილით (ან p%) ცვლილება იწვევს მანძილის α ნაწილით (ან p%) ცვლილებას.

იოსებ ნონიკაშვილი

ინფორმაცია



საქართველოს განათლებისა და მეცნიერების მინისტრის პირველი მოადგილე ქეთევან ნატრიაშვილი საზოგადოებრივ კოლეჯ „მერმისში“ მიმდინარე სარემონტო სამუშაოებს გაეცნო. კოლეჯში, სპეციალური საგანმანათლებლო საჭიროების მქონე სტუდენტებისთვის, ინფრასტრუქტურის ადაპტირების პროცესი მიმდინარეობს, რაც არსებული ფიზიკური გარემოს ყველა სათვის ხელმისაწვდომობის პრინციპით მოწყობას ითვალისწინებს. კერძოდ, იგეგმება შემდეგი კონკრეტული კომპონენტები: კანდუსი, ადაპტირებული სველი ნერტილი, სენსორული ბილიკები, მოაჯირები, კიბეების და მოაჯირების მარკირება, ზონების კონტრასტული გამოყოფა, სახელურები, კარები და სხვ.

რაც მათი დასაქმების შესაძლებლობებს გაზრდის. კოლეჯში შექმნილია ინკლუზიური პროფესიული განათლებისათვის ხელმისაწვდომი სასწავლო გარემო, რომელშიც ჩართულია ინკლუზიური განათლების ორი სპეციალისტი, ერთი სსსპ პირის ასისტენტი და სამი ჟესტურული ენის თარჯიმანი. საჭიროების შემთხვევაში, პროცესში შესაძლებელია ასევე ჩაერთონ: სივრცითი ორიენტაციისა და მობილობის სპეციალისტი, რომელიც უსინათლო სტუდენტისთვის გზის დასწავლასა და ქალაქში დამოუკიდებელი გადაადგილებისათვის მომზადებას უზრუნველყოფს; სპეციალური ასისტენტი - მძლოლი ეტლით მოსარგებლე სტუდენტისათვის. სტუდენტთათვის კეთილგანწყობილია სოციალური გარემო, ისინი უზრუნველყოფილი არიან მათთვის საჭირო სასწავლო რესურსებით. ამ ეტაპზე კი, მთელი შემთხვევის უნივერსალური დიზაინით მოწყობა მიმდინარეობს.



ინფორმაცია

# მსოფლიო ფორუმზე პროფესიული განათლების მნიშვნელობაზე ისაუბრეს

ლონდონში გამართული განათლების მსოფლიო ფორუმის ფარგლებში, საქართველოს განათლებისა და მეცნიერების მინისტრი თამარ სანიკიძე, უცხოელ კოლეგებთან ერთად, ბრიტანეთის საბჭოს მიერ ორგანიზებულ შეხვედრას დაესწრო. შეხვედრის მთავარი თემა იყო ტექნიკური და პროფესიული განათლების კუთხით გამოცდილების გაზიარება და ახალგაზრდების დასაქმების ხელშეწყობა.

მინისტრებისა და ექსპერტების შეხვედრაზე ახალგაზრდების უმუშევრობა განხილული იყო, როგორც გლობალური პრობლემა, რომელიც პროფესიული უნარების განვითარებით, კვალიფიკაციის ამაღლებით, შრომის ბაზარზე ორიენტირებითა და დამსაქმებელთა უშუალო ჩართულობით უნდა გადაიჭრას. ამ უნარების განვითარებასა და საკუთარი თავის რეალიზებაში კი, ახალგაზრდებს სწორედ ხარისხიანი პროფესიული განათლება ეხმარება.

განხილული იქნა სხვადასხვა ქვეყნის გამოცდილება, მათ შორის საქართველოს მიერ პროფესიული განათლების მიმართულებით განხორციელებული პროექტები. საუბარი შეეხო, ასევე, ახალ პროფესიებსა და სტანდარტებს, რომელთა შემუშავებაშიც აუცილებელია დამსაქმებელთა უშუალო ჩართულობა.

**თამარ სანიკიძე:** „ბრიტანეთის საბჭოს ორგანიზებით, ჩატარდა ძალიან საინტერესო შეხვედრა-ფორუმი, რომლის ფარგლებშიც, საშუალება მოგვეცა დაგვესვა ჩვენთვის ძალიან მნიშვნელოვანი შეკითხვები, რომლებზეც, რა თქმა უნდა, მივიღეთ არა მხოლოდ პასუხები, არამედ იმის მოლოდინი და შესაძლებლობაც გაჩნდა, რომ ჩვერთოთ, დამატებით, კიდევ სხვადასხვა პროგრამაში, რომლებსაც ვვთავაზობენ იგივე ბრიტანეთის საბჭო და ჩვენი პარტნიორები სხვადასხვა

ქვეყნებში. ეს ეხება პროფესიების დაუფლებას და შემდეგ უკვე დასაქმების მაჩვენებლების ზრდას. ბრიტანეთის ამის დიდი გამოცდილება აქვს. ბრიტანელი კოლეგები მზად არიან, გაეცნონ ჩვენს რეფორმას და მოგვცენ უფრო სპეციფიკური მითითებები, რაც გაზრდის დასაქმების მაჩვენებლების გაუმჯობესების შესაძლებლობებს.“

**ჰელენ სილვესტერი,** ბრიტანეთის საბჭოს ევროპის განათლების დირექტორი: „განხილული საკითხებიდან ყველაზე მნიშვნელოვანი იყო ახალგაზრდების უმუშევრობა. უდავოა, რომ ახალგაზრდა თაობას სჭირდება იმ უნარებისა და გამოცდილების შექმნა, რასაც მათგან დამსაქმებელი ითხოვს. შესაბამისად, განვიხილეთ ახალი პროფესიები და სტანდარტები, რომლებიც დაეხმარება მათ კვალიფიკაციის ამაღლებაში. ასევე, უმნიშვნელოვანესია დამსაქმებლის ჩართვა პროფესიულ განათლებაში.“

უნარების, სტანდარტების დადგენის და პრიორიტეტული პროფესიების შერჩევის პროცესში, საჭიროა, სისტემურ დონეზე, დამსაქმებლის ჩართულობა. სწორედ დამსაქმებლის მოთხოვნები უნდა იყოს გათვალისწინებული ეროვნულ სასწავლო გეგმებზე მუშაობისას. ახალგაზრდებისთვის უმნიშვნელოვანესია პრაქტიკული გამოცდილება. მხოლოდ თეორიული ცოდნა საკმარისი არ არის, საჭიროა ისეთი ტექნიკური უნარები, როგორცაა, მაგალითად, დროის სწორი მენეჯმენტი და სხვადასხვა სფეროს წარმომადგენლებთან მუშაობა. პროფესიული განათლება მათ სწორედ ამ უნარების განვითარებასა და საკუთარი თავის რეალიზებაში დაეხმარება.“

**არსიმ ბაირამი,** კოსოვოს განათლების, მეცნიერებისა და ტექნოლოგიების მინისტრი: „ტექნიკური და პროფესიული განათლების კუთხით გამოცდილების გაზიარება ჩვენთვის



ძალიან მნიშვნელოვანია, რადგან ეს გლობალური საკითხია. უნდა შევქმნათ სისტემა, რომელიც ხელმისაწვდომი იქნება ახალგაზრდებისთვის და, იმავდროულად, ორიენტირებული იქნება შრომის ბაზარზე სწრაფად გასვლაზე. განსაკუთრებით ვართ ფოკუსირებული განათლების იმ მეთოდოლოგიასა და სწავლებებზე, რომლებიც უფრო მეტად იქნება ორიენტირებული პროფესიული უნარებისა და კომპეტენციების გამომუშავებაზე.

ძალიან საინტერესო იყო, გვეჩვენა საქართველოს გამოცდილება პროფესიული განათლების მიმართულებით.“

**ბლენდი კლოსი,** ალბანეთის სოციალური უზრუნველყოფის და ახალგაზრდობის მინისტრი: „ძალიან მნიშვნელოვანია, რომ შეხვედრის ფარგლებში გამოცდილებას ვუზიარებთ სხვადასხვა ქვეყნების წარმომადგენ-

ლებს, განსაკუთრებით ჩვენს კოლეგებს საქართველოდან. განვიხილეთ მრავალი საერთო საკითხი პროფესიული განათლების განვითარების მიმართულებით. ყურადღება გამახვილეთ ახალგაზრდების უმუშევრობის პრობლემებზე. ასევე, ვეცადეთ, გვეპოვა გზები და მექანიზმები, თუ როგორ უნდა დაეხმაროს პროფესიული განათლება ახალგაზრდებში უმუშევრობის შემცირებას. ჩვენთვის ნათელია თქვენი გამოცდილება და ის მექანიზმები, რომლის საშუალებითაც ავითარებთ პროფესიული განათლების სექტორს. ეს გზები ჩვენთვისაც ძალიან სასარგებლოა. იმ მოდელზეც ვისაუბრეთ, რომელიც საერთოა ევროპული ქვეყნებისთვის, თუმცა საჭიროა გვეჩვენოს ჩვენი მენტალობა, ჩვენი სტატისტიკა, რიცხვები და მონაცემები, ეკონომიკური განვითარების მიზნით.“

# უკანასკნელი ფოტოლო

ილიაუნის თეატრში ქალაქ სამტრედიის №15 საჯარო სკოლაში ქცევითი და ემოციური აშლილობის მქონე მოსწავლეებსა და ქალაქ სენაკის №1 საჯარო სკოლის მოსწავლეებთან ერთად, საქართველოს განათლებისა და მეცნიერების სამინისტროს ეროვნული სასწავლო გეგმების დეპარტამენტის ინკლუზიური განათლების განვითარების სამმართველოს „სოციალური ინკლუზიის ხელშეწყობის ქვეპროგრამის“ ფარგლებში, გაიმართა ოქტომბრის მოთხრობის „უკანასკნელი ფოტოლო“ მიხედვით შექმნილი სპექტაკლის ჩვენება (დამდგმელი რეჟისორი – **თორნიკე მარჯანიშვილი**).

სამტრედიის №15 საჯარო სკოლის მიზანია თითოეულ მოსწავლეს მისცეს აკადემიური უნარების განვითარების, მათი პიროვნების სოციალურ-კულტურული ჩამოყალიბებისა და სკოლაში მიღებული ცოდნისა და უნარ-ჩვევების საფუძველზე სწავლის გაგრძელების, შრომით საქმიანობაში ჩაბმის, საზოგადოებასთან ადაპტაციისა და მის სრულყოფილებიან წევრად ჩამოყალიბების შესაძლებლობა.

სკოლასთან არსებული თეატრისა და კითხვის კლუბში მომზადებული სპექტაკლი მიზნად ისახავდა სკოლის ალსაზრდელეების თანატოლებთან ინტეგრაციას და სოციალიზაციას, ქცევითი და ემოციური აშლილობის მქონე მოზარდებში კითხვის მოტივაციის გაზრდას, მათი შესაძლებლობების წარმოჩენას და საზოგადოებაში მათ მიმართ არსებული ნეგატიური სტერეოტიპების რღვევას.





სპორტი

# მოჭიდავეთა გამარჯვება

თავისუფალ სტილში მოჭიდავე ქართველმა ჭაბუკებმა, 23-24 იანვარს, დიდი წარმატებით იჭიდავეს ხარკოვეში ჩატარებულ უკრაინის დამსახურებული მწვრთნელის - ლეონიდ დუნაის ხსოვნის ტურნირში. ეს იყო პირად-გუნდური შეჯიბრება, რომელშიც უკრაინის რეგიონების გარდა, უცხოელებმაც იჭიდავეს - გერმანიის, სომხეთის, მოლდოვასა და საქართველოს გუნდებმა.

ჩვენი ნაკრების მწვრთნელებმა - გიორგი ინტბელიძემ, კახა დობოჯგინიძემ და ლაშა ქეთიშვილმა ხარკოვეში გაფართოებული შემადგენლობა წაიყვანეს, რადგან წლეულს მნიშვნელოვნად მოუწიათ გუნდის გადახალისება. მით უფრო, აქამდე გამართულ სამინიო თუ საგარეო შეჯიბრებებში, რამდენიმე წონაში, მძაფრი კონკურენცია გამოიკვეთა. საბედნიეროდ, ტურნირმა მათი მოლოდინი გაამართლა.

ხარკოვეში პირადი პირველობა 23 იანვარს ჩატარდა და ჩვენებმა დიდი წარმატებით იჭიდავეს. საკმარისია აღინიშნოს, რომ 10-დან 8 წონის ფინალში გვყავდა მონაწილე, ორში კი (50 და 69 კილოგრამებში), სულაც ქართული

ფინალი გაიმართა. პირველ მათგანში ნიკა კვინიკაძემ თორნიკე ქათამაძე დაამარცხა, მეორეში კი დანიელ მარქარაშვილმა რომან აფციანურს მოუგო. ისიც აღსანიშნავია, რომ ამ ფინალური პაექრობების უმეტესობა, სადაც მხოლოდ თითო ფალავანი გვეყავდა, ჩვენებმა მოიგეს - 6-დან 4. საერთო ჯამში, ქართველთა ხარკოვეული მონაგარი 6 ოქრო და 4 ვერცხლია, რასაც 2 ბრინჯაოც დაუმატეს. კვინიკაძის და მარქარაშვილის გარდა, ტურნირის ჩემპიონები ამირან ვახტანგიშვილი (54), გიორგი ელბაქიძე (58), მირიან მაისურაძე (76) და სიმონ ოსკანიანი (85) გახდნენ. ვერცხლის მედლებს ქათამაძისა და აფციანურის გარდა, გოგა მამიაური (69) და ჭაბუკი გამყრელიძე (100) დაეუფლნენ. მესამე პრიზიორები გოდერძი ძეხვისაშვილი (54) და ცოტნე აბალაკი (58) გახდნენ.

საქართველოს ნაკრები გუნდურ შეჯიბრებაშიც წარმატებით, უდანაკარგოდ გამოვიდა. ამ ტურნირში, დამოუკიდებელ გუნდად, აჭარის ნაკრებიც ჩაება. ტურნირი ჩატარდა პრინციპით „კედელი-კედელზე“. ჩვენმა მთავარმა გუნდმა კი პირველ შეხვედ-



რაში სწორედ თანამემამულეები დაამარცხა - 8:2, მერე დონეცკელებს აჯობა - 9:1, ნახევარფინალში ოდესის გუნდს 7:3 მოუგო, ფინალში კი ხარკოველებს 6:4 აჯობა. აღსანიშნავია, რომ ხარკოვეში წასვლამდე

ჩვენებმა ბაქოშიც წარმატებით იჭიდავეს მუშვიგ ისაევის მემორიალში, სადაც მამიაური ჩემპიონი გახდა. საინტერესოა, იქაც ქართული ფინალი გაიმართა - მან ავილ მამაგულიძეს მოუგო, მესამეზე კი გიორგი ბრეგვაძე (76) გავიდა.

# ინვენტარი ბარდაბნის სკოლას

ამ დღეებში გარდაბნის პირველ საჯარო სკოლას საქართველოს სპორტისა და ახალგაზრდობის საქმეთა მინისტრის მოადგილე რევაზ ჯაველიძე ესტუმრა და სკოლა სპორტული ინვენტარით დაასაჩუქრა. თან შეხვდა კარატესა და კალათბურთის ადგილობრივი კლუბების ახალგაზრდებს.

სამინისტრო ანალოგიურ ღონისძიებებს სხვადასხვა პროგრამის ფარგლებში ახორციელებს მთელი ქვეყნის მასშტაბით. ქვემო ქართლიც და გარდაბნიც ამ პროექტში მოხვდა. ამით ცდილობენ, დაინტერესონ და ხელი შეუწყონ რეგიონებში მცხოვრებ ახალგაზრდებს სპორტში ჩაბმას. ამ მიზნით, პერიოდულად, სხვადასხვა ტურნირებსაც ატარებენ რაიონებში. სამინისტროს ინფორმაციით, ბოლო 3 წელიწადში, ქვემო ქართლის მუნიციპალიტეტებს 20 ათასი ლარის ინვენტარი გადაეცათ. ამასთან, ქუჩის სავარჯიშო მოწყობილობების დასამონტაჟებლად, დამატებით, 27 ათასი ლარი გამოიყო. ახალგაზრდული პოლიტიკის მართვის დეპარტამენტმა 20-ზე მეტი პროექტი განახორციელა. მათ შორის - „სკაუტური ბანაკები“ და ახალგაზრდული ლაშქრობები, რომლებშიც გარდაბნელი ახალგაზრდებიც მონაწილეობდნენ, ხოლო რაიონის სხვადასხვა სკოლის 90 მოსწავლე ისვენებდა ანაკლიაში, ბავშვთა და ახალგაზრდობის ფონდის მიერ მოწყობილ „მომავლის ბანაკში“.

უახლოეს წლებში სამინისტრო გეგმავს რუსთაველი ორდარბაზიანი მულტიფუნქციური სპორტის სასახლის მშენებლობას.



# მეზვილე აღბილზე მინსკში

ახალი სეზონისთვის ემზადებიან ჩვენი ასაკობრივი საფეხბურთო ნაკრებებიც - ზოგი მინ, ზოგიც - უცხოეთში. წლის პირველი საერთაშორისო ამხანაგური მატჩი გამართეს ჩვენმა 19-წლამდელებმა, რომლებმაც საერთაშორისო ეგიდით პირველად ითამაშეს ახალი მთავარი მწვრთნელის - გიორგი ყიფიანის ხელმძღვანელობით: 24 იანვარს თბილისში ბულგარულ თანატოლებს უმასპინძლეს და უგალო ფრეს დასჯერდნენ, 0:0.


თბილისურმა სუსხმა და მკაცრმა ზამთარმა თამაშის განრიგიც არაა და შეხვედრა მიხილ მესხის სახელობის სტადიონიდან „დინამო თბილისის“ საფეხბურთო აკადემიაში გადაამისამართა და თან - სამი საათის დაგვიანებით. თუმცა ჩვენებს ამით დიდი ხეირი არ მიუღიათ, გოლი მაინც ვერ გაიტანეს, ოღონდ ეგ კია - არც თავად გაუშვიათ. ახლა დაველოდოთ განმეორებით შეხვედრას, იქნებ იქ მაინც მიაღწიონ წარმატებას.

ვასილ მაისურაძის განვრთნილი 17-წლამდელები მინსკში გამოდიოდნენ საერთაშორისო ტურნირში „ბელარუსის ფეხბურთის ფედერაციის განვითარების თასზე“, სადაც არცთუ წარმატებით იასპარეზეს და მეშვიდე ადგილზე გავიდნენ.

ჩვენებმა ტურნირი გამარჯვებით დაიწყეს - მოლდოვას 5:4 მოუგეს, თუმცა შემდეგ ორი შეხვედრა დათმეს: ფინეთთან 0:1 წააგეს, უკრაინასთან - 1:3. ამის შემდეგ მათ ჯერ „ირტანს“ მოუგეს - 1:0, მეშვიდე ადგილისთვის პაექრობაში კი ლიტვა 2:1 დაამარცხეს. აღსანიშნავია, რომ ჩვენები ამ შეხვედრაშიც აგებდნენ - 36-ე წუთზე ვიტკუსმა ლუკა გუგუშვილის გაუტანა. მეორე ტაიმის დაწყებისთანავე ლუკა სილაგაძემ ანგარიში გაათანაბრა, ათიოდ წუთში კი ჯაბა კასრელიშვილმა ლიტველთა კარში გამარჯვების გოლი გაიტანა.



# ქალებმა კალათბურთის გაიხსენეს



წლეულს მნიშვნელოვანი სეზონი ელოდება საქართველოს ქალთა კალათბურთს - ასაკობრივი ნაკრებები ევროპის ჩემპიონატის C ჯგუფში ითამაშებენ. 16-წლამდელები ამ საპასუხისმგებლო ტურნირში ანდორაში იასპარეზებენ, 18-წლამდელები კი თბილისში მიიღებენ მეტოქეებს. ჩვენები ისტორიული ტურნირი იქნება, რადგან საქართველო პირველად უმასპინძლებს ასეთი დონის საკალათბურთო შეჯიბრებას.

თბილისური ტურნირი სპორტის ახალ სასახლეში, 8-13 ივლისს, გაიმართება. ჩვენები B ჯგუფში მოხვდნენ, როგორც - მალტა, გიბრალტარი და კოსოვო, A-ში კი სომხეთი, ანდორა და უელსი ითამაშებენ.

ანდორაში, 18-23 ივლისს, 16-წლამდელების მეტოქეები, ასევე B ჯგუფში, ანდორა და გიბრალტარი იქნებიან, A-ში კი უელსი, კოსოვო და მალტა ითამაშებენ.

საქართველოს კალათბურთის ფედერაციის ქალთა კალათბურთის განყოფილებამ უკვე დაიწყო ამ ასაკობრივი გუნდებისთვის კანდიდატთა შერჩევა და, ამ მიზნით, უკვე ჩაატარა ორი შესარჩევი კემპი აღმოსავლეთ საქართველოს ქალაქებისთვის. კემპს ქალთა კალათბურთის ხელმძღვანელი, ცნობილი ვეტერანი კალათბურთელი მედეა მხეიძე უძღვევოდა, მონაწილეობდა 120-მდე გოგონა. უახლოეს პერიოდში, 5-7 თებერვალს, განზრახულია მესამე კემპის ჩატარება, რის შემდეგაც 20-20 გოგო აირჩევა ორივე ნაკრებისთვის. ამის შემდეგ შერჩეული კანდიდატები მზადების ეტაპზე გადავლენ.



მიმდინარეობს ხელმოწერა

**მასწავლებლის წიგნი**

**მასწავლებლის წიგნი**

განვითარება და კონსტრუქციული რეკომენდაციები ზეპირმეტყველებისა და წერიტის დავალებებისათვის, კითხვის მნიშვნელობა და კითხვის უნარის სავიციო უნარების დარღვევა-დისლექსია, ფიზიკური განვითარების ხელშეწყობა და რეკომენდაციები მოქრები თამაშებისთვის, განვითარებადი უფასების საშუალებები, მშობლებთან თანამშრომლობა, საკლასო ოთახის მოწყობის სავიციო, კლასის მართვის სტრატეგიები.

**მასწავლებლის წიგნი**

**მასწავლებლის წიგნი**

განვითარება და კონსტრუქციული რეკომენდაციები ავტორების მიერ პრაქტიკულად არის ახსნილი ძიების, ფიზიკისა და ბიოლოგიის უმნიშვნელოვანესი საკითხების სწავლების მეთოდები როგორც პირდაპირი (დედუქციური), ისე არაპირდაპირი (ინფორმაციური) სწავლების თვალსაზრისით. სახელმძღვანელო დაეხმარება მასწავლებელს გაკვეთილის დაგეგმვისა და დაგეგმილი გაკვეთილის ეფექტურად ჩატარების პროცესში.

**თითოეულის ფასი - 7,30 ლარი**

**თითოეული კრებულის ფასი - 12 ლარი**

**10 ლარი**

**მასწავლებლის წიგნი**

**მასწავლებლის წიგნი**

განვითარება და კონსტრუქციული რეკომენდაციები ავტორების მიერ პრაქტიკულად არის ახსნილი ძიების, ფიზიკისა და ბიოლოგიის უმნიშვნელოვანესი საკითხების სწავლების მეთოდები როგორც პირდაპირი (დედუქციური), ისე არაპირდაპირი (ინფორმაციური) სწავლების თვალსაზრისით. სახელმძღვანელო დაეხმარება მასწავლებელს გაკვეთილის დაგეგმვისა და დაგეგმილი გაკვეთილის ეფექტურად ჩატარების პროცესში.

**თითოეულის ფასი - 7,30 ლარი**

**საყვანვილო ენციკლოპედია**

**თითო ტომის ფასი 12 ლარი**

ავტომობილი  
სამუსიკო  
უდაზო  
გამოგონებები  
განძის ძიება  
გლადიატორები  
დრო და კალენდარი  
ქველი ეგვიპტე  
ევერუბა

ვიკინგები  
ფიზიკა  
ახსნილი და აუხსნელი  
ფანოქები  
კოშკები და ცათამბჯენები  
უკველესი ადამიანები  
მათემატიკა  
ქველი რომი  
ქველი საბერძნეთი

**რა არის რა**

**თამაზ ვასაძე**

**ქართული**

**აბიოგრაფიული**

**პროზა ლიტერატურის**

**შემსწავლელთათვის**

**4 ლარი**

**ქველი**

**გთავაზობთ 10 ტომს**

**ენციკლოპედია**

**საქართველოს სარედაქციო „რა არის რა“**

**საქართველო ფასად. პირველი 10 საცემო წიგნი**

**თითო ტომს, 12 ლარს ნაცხად, 7 ლარად მიიღება.**

ნათა ახმეტელი, ნიკო მურღულია

**ისტორია**

ნათა ახმეტელი, ნიკო მურღულია

თეორიული საკითხები და ტესტები საბატონატო გამოცდებისთვის

8 ლარი

5 ლარი

ქეთევან ტატიშვილი, ზურაბ ბერაია

**ფიზიკა**

თეორიული საკითხები და ტესტები საბატონატო გამოცდებისთვის

7 ლარი

**აბიედი**

**არქიტექტურა**

**კრიმინალისტიკა**

**ქანაღა კვება**

**პანსალ კვება**

**მთები**

**აბიედი**

**ოლიმპიური თამაშები**

**მეკობრეობა**

**ქიმიკა**

**ხალხთა დიდი გაღასტება**

**სალხთა დიდი გაღასტება**

**მეცნიერება**

**შოთა რუსთაველი**

**ვეფხისტყაოსანი**

**ბაჩანა ბრეგვაძის**

**პროზაული ვერსია**

**სარიიდან**

**ინტელექტი სკოლას**

**ფასი - 15 ლარი**

**ხელმოწერის თანხა გადმორისხებით რეკვიზიტებზე:**

მიმღები - შპს „ახალი განათლება“, ს/კ 202058735, ა/ა GE93LB0113314052305000, ს/ს „ლიბერთი ბანკი“, ბ/კ LBRTGE22

**ყურადღება! ფიზიკურმა პირებმა, თანხის გადმორიცხვისას, მიუთითეთ პირადი ნომერი**

**თამაშური კლასიკები**

**დაწყებითი**

**კლასებისთვის**

**ფორმატი A2 (42x59.4 სმ)**

- წელიწადის დროები: შიმშილგონა-ზამთარი
- წელიწადის დროები: გაზაფხული-ზაფხული
- ფიგურები
- გარეული ცხოველები
- გარეული ფრინველები
- პროფიციები
- შიდაური ცხოველები და ფრინველები
- ჰიბინის ნივთები
- საოჯახო ნივთები
- ტრანსპორტი
- ზღვის ბინადრები
- ტანსაცმელი
- სილი
- პოსტალები
- ჩემი სკოლა
- ფორმები
- რიცხვები
- რის შვილს რა ჰქვია

**29. მწერები**

**20. აბიედი**

**21. მცენარეები**

**22. საბინისპირი ცნობები**

**23. ძაღვები**

**24. სოფელი**

**25. სპორტის სახეობები**

**26. ზღაპრის გმირები**

**27. ჩემი საბარათელო**

**28. ძარბული ანბანი**

**29. ინგლისური ანბანი**

**30. რეგული საბათი**

**2.90 ლარი**

**მაღალი**

**კლასებისთვის**

**ფორმატი A1 (59.4x84.1 სმ)**

- რელიგიის წარმართვა
- გარეული ფრინველები საბარათელოში
- გარეული ცხოველები საბარათელოში
- მწერები
- მეცნიერება
- საბარათელოში მცენარეები
- სამხარო წარმართვა
- ნებადები - სიტყვების წყარო
- რეპტილიები და დინოზავრები
- ზღვის დინოზავრი
- ძიებური ელემენტების პერიოდული სისტემა
- ძარბული მეთოდის შენარაღება და საბარათელო ტექნიკა
- მსოფლიოს შვიდი სარტება
- სამხარო წარმართვა
- ნიბილი ჯამბუჯი
- გიორგი ლეონიძე
- ირაკლი აბაშიძე
- ნოღარ დუბაძე
- აბაქი წამეთელი
- ქონსტანტინე გამსახურდია
- პაულე იანვილი
- სულხან-საბა ორბელიანი
- პოლიკარპე აბაბაძე
- გურამ რჩაული
- დავით გურამიშვილი
- ბისიქი
- რეგული ინანიშვილი
- თეიმურაზ I
- მხატვარ VI
- გიორგი მერჯული
- ბრიტოლ ორბელიანი
- დავით აღმაშენებელი

**4 ლარი**

**რეკონსტრუქციები**

- პოეტისთვის ფიცი - შაქლი დავიდი
- მწერისთვის თამაზანისებები - დომინიკო ბირლანდელი
- ადელ ზღუე-ზაპრის პორტრეტი - გუსტავ კლიმტ
- მინიმატი - დიეგო ველასკესი
- დედოფალი სიბილა - მიქელანჯელო
- მხატვრის ბაღი - კლოდ მონე
- უკლები შვილის დაბრუნება - რეგინალდო
- სამხარო - ოგიუსტ რეპუბლი
- სამხარო გასივრება გრან შატის კუნძულზე - ჟორჟ სიორს

**6.5 ლარი**

მიმდინარეობს ხელმოწერა



# 2015-2016 სასწავლო წლის გაზაფხულის სემესტრის სტუდენტთა მოხილვის პროცესი დაიწყო

## ექვსი ნახიჯი მოხილვისთვის



<b>O1</b>	გაიარე რეგისტრაცია მოხილვის პორტალზე	4 თებერვალი, 18:00 სთ-მდე
<b>O2</b>	გააკეთე განაცხადი მოხილვაზე, დააფიქსირე არჩევანი და დაალაგე პრიორიტეტებად	4 თებერვალი, 18:00 სთ-მდე
<b>O3</b>	გადაიხადე მოხილვის საფასური (40 ლ.) სს საქართველოს ბანკში	4 თებერვალი, 18:00 სთ-მდე
<b>O4</b>	გაეცანი მოხილვის შედეგებს პორტალზე	8 თებერვალი
<b>O5</b>	დაუყოვნებლივ მიმართე წერილობითი განცხადებით მიმღებ უსდ-ს და წარუდგინე პირადი საქმის ასლები	8-9-10 თებერვალი
<b>O6</b>	გაეცანი მიმღები უსდ-ს მიერ აღიარებული კრედიტების რაოდენობას და წერილობითი განცხადებით დაადასტურე თანხმობა/უარი	დაწყებულია დასრულებული ვადები

*ვისურვებთ წარმატებებს!*

უმაღლესი საგანმანათლებლო დაწესებულებების სტუდენტებს წელიწადში ორჯერ ეძლევათ შესაძლებლობა, ისარგებლონ მოხილვით და სხვა უმაღლეს საგანმანათლებლო დაწესებულებაში გადავიდნენ. ამისთვის სტუდენტი მონაწილეობს რეგისტრაციის პროცესში უსდ-ს ვებ-გვერდზე <https://students.eqe.ge/>

2015-2016 სასწავლო წლის გაზაფხულის სემესტრის მოხილვა დაიწყო 22 იანვრის 12:00 საათიდან და 4 თებერვლის 18:00 საათამდე გაგრძელდება.

ამ ვადის განმავლობაში სტუდენტს შეუძლია პრიორიტეტების მიხედვით ხუთი საგანმანათლებლო პროგრამა აირჩიოს. ელექტრონულ პორტალზე დადებით შედეგად დასრულებული სტუდენტის მიერ ერთიან ეროვნულ გამოცდაზე დაბრუნებულ საკონკურსო ქულაზე.

დეტალური ინფორმაციისათვის გადადით გვერდზე – <http://eqe.ge/geo/news/show/53/860>



### მასწავლებლის ბიბლიოთეკა

#### მასწავლებლის საშუაო რვეული



მასწავლებლის საშუაო რვეული პროტფოლიოს განუყოფელი ნაწილია. რვეულის სტრუქტურა საშუალებას აძლევს მასწავლებელს:

1. საჭიროებისამებრ შეავსოს გაკვეთილის დაგეგმვის სქემების მოკლე ან სრული ვარიანტები;
2. გაეცნოს გაკვეთილის დაგეგმვის რეკომენდაციებს;
3. გაეცნოს გაკვეთილის მოკლედ და დეტალურად დაგეგმვის ნიმუშებს.

4 ლარი

#### კათედრის გაგვის პროტფოლიო



კათედრის გაგვის პროტფოლიო საშუალებას აძლევს კათედრის გამგეს აღრიცხოს, გააფორმოს, აღწეროს ეროვნული სასწავლო გეგმით განსაზღვრული საჭიროებები. შეასწავლოს სქემების, ცხრილებისა და კათედრის სხდომის ოქმების გარდა, პროტფოლიო შეიცავს მეთოდურ რეკომენდაციებს, რაც დაეხმარება კათედრის ხელმძღვანელს პროტფოლიოს წარმოებაში და მისი საჭიროების განსწორებაში.

6 ლარი

#### ინტერაქტიული მეთოდების კრებული



კრებულში აღწერილია ინტერაქტიული სწავლების მეთოდები; მოცემულია თითოეული მეთოდის გამოყენების ეტაპური აღწერა; განხილულია, რა უნარებს ავითარებს თითოეული მეთოდი; დასახელებულია თითოეული მეთოდის გამოყენების წინაპირობა. კრებულში თავმოყრილია 50-მდე მეთოდის აღწერა.

6 ლარი

#### მასწავლებლის კალენდარი



2015-2016 სასწავლო წლის კალენდარი იხსნის უმაღლესი სასწავლო დაწესებულების მასწავლებლის განმავლობაში შეუძლია დაგეგმოს და ჩინოს მისთვის საჭირო და სასურველი აქტივობები და ინფორმაციები. კალენდარი ყოველკვირულად აწვდის მასწავლებელს მისთვის მნიშვნელოვან პრაქტიკულ, პედაგოგიურ რჩევას თუ საჭირო ინფორმაციას.

კალენდარს ახლავს პირველი და მეორე სემესტრისთვის განკუთვნილი შეასწავლოს გაკვეთილების ცხრილი, მნიშვნელოვანი აქტივობების რეესტრი და თავისუფალი ფურცლები, რაც მოსახერხებელია, რათა მასწავლებელს ყველა საჭირო ინფორმაცია ერთად ჰქონდეს განთავსებული.

5,50 ლარი

შეკენის მსურველები დაგვიკავშირდით: 599880073, 0322958023



მისამართი: 0102 თბილისი, ტაბაღაშვილის ძ. №3  
 ტელ.: 032 295 80 23, 599 880073  
 www.axaliganatleba.ge axaliganatleba@gmail.com

ISSN 2233-386X



მთავარი რედაქტორი:  
მარიკა ჩიქოვანი

რედაქციის საბანკო რეკვიზიტები: შპს „ახალი განათლება“ ს/კ 202058735  
 ა/ა GE86BG000000123631000GEL, ს.ს. „საქართველოს ბანკი“ გ/კ BAGAGE22,  
 რედაქციაში შემოსული ხელნაწერები არ რეცენზირდება და ავტორებს არ უბრუნდებათ.

9 772233 386008 >